

**S P E A K E R** : Tin, miin in chungah an tiha in duh tur ang zelin mi chungah pawh ti ve rawh u.

Luka 6:31.

Zawhna kan la nghal ang a, Starred Question 26-na zawt turin member zahawm tak Pu Lalhmingthanga i lo sawm ang.

**PU LALHMINGTHANGA** : Pu Speaker - Will be Hon'ble Minister for Local Administration Department be pleased to state -

Tun 24.2.2006 V/C inthlanah khan Sorkarin sum engzatnge a sen ? tih ka zawt e.

**S P E A K E R** : A chhang turin LAD changtu Minister zahawm tak Pu H.Vanlalauva i lo sawm ang.

**PU H.VANLALAUVA MINISTER** : Pu Speaker, Lunglei 'S' bialtu zahawm tak Pu Lalhmingthanga zawhna chhanna chu- Tun Village Council inthlanna sum senso zawng zawng chu Rs.1,61,94,983/-

(cheng nuai za sawmruk pakhat singkua sangli zakua sawmriat pathum) a ni a. Tunah hian Rs. 111.82 lakhs sanctioned tawh a ni a. cheng nuai sawmnga singkhat sanghnih zakua sawmriat pathum hi dilbelh mek a ni e.

**PU LALHMINGTHANGA** : Pu Speaker, zawhbelhna Hei V/C inthlanah hian kan expenditure hi a sang viau zela iti mai ang. Kan inthlan dana voting system hi hun engemaw chen atang khan

a him loh zia he rorelnaah pawh hian Member tam tak ten sawilan a ni tawh a. Tichuan tuna kan inthlan danah hi chuan mi pakhatin candidate awm thei zat i ti mai ang, an khuua seat awm thei zat, entirnan, khaw khatah khan 6 awm thei ta seng vote 6 a nei ta a, tin, seat 4 awm naah chuan vote 4 a nei ta a. Kha kha ak chhuakin pawn lamah a kal theih a ni tih pawh sawi fo tawh a ni a, chulai tak chuan kan VC inthlan hi free and fair election a nihtir thei lo thin a ni. Tichuan hetiang hian rawtna vawi tam tak hemi rorelna chhungah pawh hian member ten siam a ni tawh a. Hemi MLA a kan inthlan dan pangngai hian Ballot paper hlai ah chhuah theih loh leh Returning Officer-te hmuh lai ngeia thlak nise tih rawtna hi sawi fo tawh a ni a. Mahse, tun tumah hian rawn tihawmah pawh kan ngaih

loh lai leh, Subordination Legislation Committee te pawhin rawtna te pawh kha siam tawh anih laiin a department te nena sawiho pawhin harsatna awm lo tura sawi a nih lai khan, kan old system ang bawh khan tun tumah hian vote hi thlak tir leh kan ni ta a. Hemi system tidanglam tur hian a englai tak hi nge ni a harsatna nia engatinge sawrkar hian a tih theih loh? tih hi ka zawt duh a.

Tin, a pahnihnaah chuan V/C Member han tihtlem takah hian ordinance hmangin a member kan han ti tlem a, kan sawrkar ten, tah chuan khaw tam takte chu hmanah Amendment hetilala kan siam a, \_\_\_\_\_ theih awm hi a tha lova, ruat seat awm hi a tha bawh lova. Hei hianin V/C level a Democracy awma hi atih zahawm lova free and fair election a awm thei lova. Sawrkar pawhin chumi advantage la chuanin sorkar a form tir thin a tiin member neka amendment a dah tawh leh, tin, ruat seat pawh kha paih tawh kha a ni a. Amaherawhchu, tuna ordinance han siam leh takah leh tuna kan hman takah khan 4 te 6 te chutiang anga number in draw thei kha a tam ta em em mai a ni. Tichuan, kha kha engvanga siam chhuah leh nge a nih?

Tin, a pathumnaah chuan tunah hian \_\_\_\_\_ na khua member inzath chiaha lakna hmun sawrkarna siam hlei thei lova awmna khua hi engzat nge result ah khan awm ta. Tin, chung khuate chuanin sorkar siam thei tawh hi engzat nge awm a, eng Party sorkar nge ni an siam tak tih kha kan zawt tel duh bawh a ni, 4 ka zawt ang a nih chu. Pu Speaker.

\* Speech not corrected.

PU H. LIANSILOVA

: Pu Speaker, ka zawh belh duh ve chu Village Council inthlanna hemi kan voting system a hi a thatloh zia kan hotute pawhin an hre viauin ka hria a. Tin, tun tum inthlan khan hmun thenkhatah phei chuan mualphona hmunte pawh a awm a ni kan hotute hian an hre thoin ka ring a. Chu chu tunhma atanga a voting system thatloh dan tilang fiahtur leh kan hotutena an lo vei a hi siamthat a ngaihzia tilangtu niin ka hria a. Tin, hemi Subject Committee pawh hianin lo thlirin, a Subordinate Legislation ah pawh hei hi lo thlir tawh a ni a. Member zahawm tak, Pu Liansuama Chairman-na hnuaiah Department te nen pawh uluk taka sawiin, recommendation pawh a rang thei ang bera Village Council inthlan danah a voting system hi tihdanglam ni ngei rawh se," hei hi arang thei ang berin inthlan leh hmangin amendment rawn siam ni rawh se tih kha recommendation Department a lut a ni a. Chu chu kum khat chhungin bawhzuina a awm lova, inthlanna kan han hmang chilh a tuna kan sawi ang khan kan V/C inthlan dan hmangah khan thil fello tam tak a awm a. Kan sawi tak ang khan mualphona pawh a awm a ni. Engatinge Subordinate Legislation Committee in uluk taka Department lam te pawh sawipui a recommendation a siam hi bawhzui anih tak loh?

Tin, chulo ah chuanin Department hianin Polling Booth an siam danah hianin kan experience ah booth khatah vote 1000 hi kan zo hman manglo a ni a. North II ah te phei chuan hmun hnih hmun thumah nikhata inthlang zo thei lo in a tuk lamah inthlan a ngai a. Chuvang chuan a booth tal te hi hawn tam theih niselangin, tlai lam lutuk nawr lova nikhata zawh vek

theihin booth khatah hianin voters atam berah 700 aia tlem lo awm sela darkar khat ah mi 70 bak hianin chak deuh hleka inkalpu pawh hian an vote zo mang lo a ni tlangpui tih hriat ani a. A booth siam tam tal te hi engatingeni a Department hian a rawn ngaihtuah loh tih ka zawt a ni.

**S P E A K E R** : A pawimawh bawka niang a, an phar sup sup mai a. Pakhat sawm leh ila, Pu Zira aw.

**PU R. LALZIRLIANA** : Pu Speaker, ka lawm e, tun V/C inthlan-ah hian V/C candidate ten pawisa hman theih chin tur bituk a awm em? tih ka zawt duh a. Tin, a pahuhnaah ka bial

Saitual bialah te chuan MNF Unit tinte Rs. 10000 pek anni a. Unit tin tih chu adik lo mai thei a. Lungpher Unit ah chuan a te deuh a Rs. 8000 an pe a. Chung te chu an hmanna chu Zu lei nan te, thil dang khatiang ang duhtute vote leinan an hmang a ni tih chiang takin ka naute pawh an lo pe a ni. Chuvang chuan Pu Speaker, hei nuai 126 dawn sorkarin V/C Election atan hian pawisa a seng a. Heta tang hian MNF Unit te hi pawisa an lo pe ta nge, sorkar hnathawk chauh hmanral tih kha kan zawt duh a ni.

**S P E A K E R** : Chhan tir rih ang aw. Chhang turin Minister i lo awm ang.

**PU H. VANLALAUVA  
MINISTER** : Pu Speaker, ka lawm e, Zawhna neitu Lunglei South bialtu zawh belhna V/C inthlan dan thar Assembly Subordination Committee in a thu rawn hman theih a peih anih tak loh thu a zawh kha, Aizawl North II bialtu zahawm tak Pu Liansailova zawhna nen khan a inangin ka hria a. Hei hi thil awmdan tlangpui a chu ani. Committee-in thurawn a pek angin, Department-in theitawp chhuahin hma a la ve a, Amaherawhchu, kan Village Council member seat dinhmunah 9 te, 11 te kan lo nei a, 9 leh 11 ah khan political party pali neiin, candidate 11 theuh an lo neihnaah chuan a ballot paper kha computer a han tih chhun pawh khan a buaithlakin a harsa lutuk a, chuvang chuan fel fai deuh hlekin tih kha tum a ni a.

Tin, a lehlamah kan Village Council Act hi siamthat mek a ni a. Chumiah chuan awmze nei a, inthlan dan pawh kha duan a ni a. Chuvangin, helai Committee ina a thurawn, Department pawhina tih theih mai inbeisei a, tawngkam a lo thlah tawh hi tun hun atan chuan a ballot paper lam leh thil awmdan zawng zawng te han chhutin harsatna a awm tak avangin, helai hi kan ti hman ta lo a ni e.

Tin, hun thawl deuh hlek ni ta sela chu, kan member (seat) tih danglam hi, tihfel hman nisela chuan inthlan dan system thar ballot box pakhat hman a, inthlanna hi buatsaih theih anih beisei ani a. Chumi avang chuan a ni, ordinance pawhin kan V/C seat neih zat leh member awmzat hi tihdanglam hman a ni ta lo a ni. Chuvang chuan, zawhna neitun-a a zawhna 2-na V/C No. Member tih tlem a lo nih takna chhan hi engnge ni a tih kha, kan sawi tak angin V/C seat (member) tam lutuk leh chhan dang te a ni a. Member 6 chinah chuan a ziaawm a rinawm a ballot paper kha party 4 in 6 theuh candidate pawh lo awm in Independent candidate pawh lo tel ve ta sela, kan han practice chinah computer chuan a tih theih beisei a ni a. Chuvang chuanin, hemi No. a seat tih tlem hi inthlan dan system thar hman duhna avangin, he ordinance hi a lo chhuak ta ani tih ka chhanna a ni a.

Tin, Draw Village engzatnge awm ? engzatnge V/C an form a, eng V/C te nge tih kha, Draw Village hi election results lo chhuakah khan 94 kan nei a, chutah chuan engemawzatin tuna V/C chu an form tawh a, maherawhchu, DLAO ah report a la lut kim lova, tih anih avangin, Pu Speaker, a zat chiah leh eng V/C te nge an nih erawh chu ka sawi thei rih lova, kan session chhungin chu chu inhrilh theih ka beisei a ni.

Tin, Ratu bialtu zahawmtak Pu Lalduhoma zawhna kha (SPEAKER : Zawhna kha khawngaihni No. inkawp kim lo leh inkawp kim lai kha a sawi tel bawk a No. inkawp kim lo ah te khan draw a awm thei tho em ? inkawp kim ah chauh em ni ?)

Pu Speaker, chulai chu ka lo hmaih palh hlauh a ni e. Kum 1999 inthlan dawnah khan nominated seat leh Draw Village kha kan buaipui ber thin anih avangin nominated seat, ruling party in a advantage tha tak a neihna pawh kan fel zawkna leh kan khawtlang rorelna a dik leh thianghlim zawk nan tih beisei a tihbo a ni a.

Tin, Draw Village tam tak kan buaipui thin kha a bo theihna a nih beisei in No. inkawp kim lo 3, 5, 7, 9, 11 in kan kal a. Amaherawhchu, Drawn Village kha kan nghah tho a ni, entirman Congress - 2, MNF - 2, ZNP - 1 emaw IND - 1 emaw, hetiang chi ah khanin Drawn Village kha a bo tak tak chuang lo a. Chuvangin a No. tlem lam kha kan duh si a.

Tin, Pu Speaker, hei 1954 atanga 2006 thlenga record V/C inthlanna result report han en hian a hma zawng pawh khan 4, 6 tih deuh vek kha a ni ve tho a. Chuvangin, helai hi number inkawp kim ah chauh hian Drawn Village a lo awm lova.

PU LALDUHOMA

: Pu Speaker, engtingge number inkawp-kim lova drawn village a awm theih ? Engtinge a awm theih dan kha ka zawt a ni.

Awm thein ka ring lo. Pahnih leh pahnih lo tling sela, Independent pakhat emaw talin side lam a nei ang a, an duh zawng lam tundin an tum kher a nih a, chu chu draw naah an ngai anih chuan thudang a ni a, number inkawpkim lovah drawn a awm thei lo.

**PU H.VANLALAUVA  
MINISTER**

: Pu Speaker, a dikna chen a awm mai thei a, amaherawhchu, drawn village pangngai ai-maha kan buaipuina chu, a party-ah pawh khanin V/C 5 neiah Party 2 ve vein an tling a, Party dang pakhat a lo tling ve a, chu chuanin a duh lam lam kha a VCP hma loh chuan a sorkar tira a tikual tam lutuk a, chu chu sorkarin kan buaipui a ni. Chumi buaipuina avang chuan drawn village a kha kan buaipui zawk mah tiin a number inkawpkim lovah khan harsatna sorkarin a tawh avang a ni tih kha kan chhanna ni selangin.

**PU LALRINLIANA SAILO**

: Pu Speaker, Democracy rama awm kan ni a, right a nei a ni. Eng Party emaw Independent pawhin a nei tho a ni. Chuvangin khami veng pawh thui lutuka an kal kha a dik lo a, tin, pakhat lehah in draw ta te, sorkar dinglamin Ministry, V/C a siam tho tho ang tih kha adik em? kan zawt e.

**PU H.VANLALAUVA  
MINISTER**

: Pu Speaker, Right chu kan nei theuh mai a, amaherawhchu, a right hmandan kha amah V/C emaw anih hma lova, khawtlang rorelna V/C rorel hleithei lova a tibuai a, harsatna a siam kha a dik chuang lo a ni. Chuvang chuanin, khalai kan buaipuina kha kan pumpelh zawk theih nan beisei a ni a. Tin, drawn village-ah hian a ruling apiangte VCP tir an tum em ni? tih erawh kha chu tuna kan order chhuah zawng zawng khan a chhang chiangin ka ring a.

**PU R.LALZIRLIANA**

: Pu Speaker, khatiang angah khanin khaw engzatnge awm? A hma a party in draw na Independent pakhat a lo tlinnaah khan a VCP hma loh chuan a tibuai a tibuai tih kha khaw engzat nge awm? tih kha kan zawt duh a ni.) Pu Speaker, tuna kan hriat maiah chuan khaw 3 buaipui langsar zualte kan nei a. Amaherawhchu, khati lutuka zing nilova, harsatna tawh kha hmun tamtakah a awm tho a ni. A langsar zualte erawhchu.....

**SPEAKER**

: A la chhang hman lo, ngawi rawh han chhang phawt sela a tha ang a.

PU H. LIANSILOVA

: Pu Speaker, zawhna englo a nia, hemi system han tihdanglam kha Subordinate Legislation Committee rawtna ang kha han tih tum khanin candidate te kha 11 lai an lo nih tak avang khanin Computer ah a leng ta lova, a remchang ta lova, kan kalpui ta lo a ni, tih kha a ni a. Amaherawhchu, a hnuah ordinance in tih tlakhniam chiam tak kha a ni a. A tlakhniam tawh hnuah kha chuan ordinance bawkin khalaiah khan ngaihpawimawh a neih chuanin kan sawi ve, ordinance bawka kalpui kha a remchang ta lo tho tho em ni? tih kha a ni a kan zawh duh mai mai chu.

PU H. VANLALAUVA  
MINISTER

: Pu Speaker, a dik khawp mai a, hunin min daih ta lo a ni. Kan hman ta lo a ni. chu a lehlamah keima vaiduaina/ bawrh sawmnain min tlakbuak bawk nen khalaiah khan department-in khalai thil kha a ngaihtuah hman ta lo a ni e. Tin, Ratu bialtu zahawm tak Pu Lalduhoma zawhna Conduct Rules, Village Council Election-ah hian Sorkarin a nei em tih kha? Nei e, chu chu Guideline kan ti deuh mah mah a, Rules ang zelin kal a ni a, chu chu hman a ni tih kan sawi duh a.

Tin, Pu Liansailova N-II bialtu zahawm takin a zawhna pakhat polling booth siam dan chungchangah hian erawhchu Veng tina kan candidate theuh te leh kan Returning Officer/P.O ten tha k an tih ang a an siam tura zalenna pek an ni. Chu chu Polling Booth tam tak siama inthlanna voter tam tak si, hmataka zo veng pawh engemaw zat sawi tur, tun election-ah pawh khan an awm a. Chuvangin kan Member ten mahni bial a mite kha thurawn lo pein, chutiang inthlan zawh hma anih theihna tura kalpui tur chuan lo hrilh niselangin a thain ka ring e.

Tin, Saitual bialtu zahawm tak khan pawisa hman theih chin, Village Council a candidate te tan tih a zawt a. Pawisa hman tur chungchangah sorkarin engmah sawi a nei lova, cheng khatmah pawh a nei bawh hek lo tih kha ka chhanna a ni e.

PU R. LALZIRLIANA

: Pu Speaker, V/C inthlanah hetiang hian Pawisa a leng ta a. Saitual bialah Putar mangangin lehkha minrawn thawn a. Rs. 200-500 an pe a. Chuvangin Pu Zir, a tling ta lo a ni a rawn ti a. Hetiang em em a sum hman MNF sorkarin a chelek mai hi a tihawp theih lawm ni tih kha ka zawt duh a ni.

PU LALTHLENGLIANA

: Pu Speaker, ka bialah chuan siki pawh sem tur ka nei lova. Saitual bial inlo duhsak bik anih chuan keini tan pawh a

vui awm ve dawn a. Hei hi a rangthei ang bera chhui chian a tha lawm ni ? Saitual bialtu zahawm tak hian thu mak tak tak hi a hrethei lutuk.

**PU H. VANLALAUVA  
MINISTER**

: Pu Speaker, Mamit bialtu khan a bialah pawisa sem a awmlah zia a rawn sawia, tin, chutaing bawkin keini West-II leh kan thenawmah pawh chutianga pawisa sem a awm kan hre lova, sorkar chuan kan candidate te leh kan campaigner te pawisa a pe lova. Saitual bialah a lo sem bik anih chuan, chu chu tute ta nge ni ang tih chu enchian vat a tha anih chu a, Pu Speaker.

**PU LALDUHOMA**

: Pu Speaker, 2 ve ve emaw, 3 ve ve emaw in draw hi inrem theilo ta sela, sorkar khan a form lui dawn tho tho em tih laia kha ka zawt duh e. 94 lai in draw a awm a, a pawimawh khawp mai.

**PU H. VANLALAUVA  
MINISTER**

: Pu Speaker, kha kha a pawimawh hle a. Tunah chuan majority ngei in a V/C an form sorkar in a duh a, 2 leh 2 emaw 3 leh 3 ah pawh nise. "March 15 hma ngeiin in form intum tur ani a. March 15 ah form theihloh a majority ala awm lo anih chuan sorkarin he Village Council dinhmun tur hi a ngaihtuah ang", tiin V/C tinah hriattirna pek an ni a. 15 March hnu lamah sorkarin hun a pe leh dawn nge majority awmnan nge a dissolve tawh mai dawn tih erawh chu sorkarin a la rel tur ani e.

**PU LALRINLIANA SAILO**

: Pu Speaker, kan bialah te pawh ani a, bial dangah pawh "in siam thuai loh chu chuan C.A.in a awp dawn che u ani e. ruling siamtir mai rawh u" tih hi an vau na ni. Hei hi sorkarin a hria em ?

**SPEAKER**

: Sorkar tih anih loh chu. Sorkar chuan insiam fel hm,an loh chuan ni 15 March hnu lamah a ngaihtuah ang tiin sorkarin thu a chhuah a nih chu.

Hei V/C inthlan dan siamthat chungchang hi Subordinate Legislation pawhin a ngaihtuah tawh, Department pawhin kan tithei ang an ti zet tawh kha a ni a, a pawimawh khawpin ka hria a.

Mahse, senso tur ballot paper MLA election anga han chhut hma fe te kha a ngai dawn a, nomination pek hma te pawh an ngai ang a. Tun hma aiin senso te pawh a tam hmel tawh tlai mai a, uluk deuh takin department-in a eng ber nge ni tiin tuna system lo ang deuh hian a rawn ngaihtuah chhuah a tul hlein ka hria. Chu chu, member te duhdan pawh a ni a 2+2 a ni ta.

PU R. LALZIRLIANA

: Pu Speaker, 2+2 an lo nita a, takhan pawnlam atangin kan support mai ang che u tih kha, majority anga ngaih chi a ni chuang lo?

SPEAKER

: A chhangtu tur ka ni lova, engpawhnise, a rei tawh a i kalsan mai ang. Kha lai kha chu a chiang vak lo niawmin a lang a. Starred Question No. 27 zawt turin Pu Lalthlengliana i lo sawm ang.

PU LALTHLENGLIANA

: Pu Speaker, Starred Question No. 27, Home Minister zahawm tak chhan atan - (a) 3<sup>rd</sup> Battalion I.R. lak tum mek hi engtik hunah nge lak a nih dawn? (b) 3<sup>rd</sup> Battalion I.R. hmun tur hi ruahman a awm tawh em? (c) Awm anih chuan khawi hmunah nge? tih ka zawt e.

SPEAKER

: Chhang turin Home Minister zahawm tak Pu Tawnluia i lo sawm ang.

PU TAWNLUIA  
MINISTER

: Pu Speaker, Member zahawm tak Pu Lalthlengliana zawhna chhanna chu - (a) Lak anih hun tur chiahi hi sawi theih ala ni rih lova, lak thuai tum a ni. (b) A hmun tur tihfel a la ni lo. (c) La tihfel loh a ni e.

PU LALTHLENGLIANA

: Pu Speaker, ka lawm e. A hmun tur atan Khawthlang lam hi sensitive area a ni a, hel Pawlta Naga hel thlengin Bangladesh lamah an vei tlang deuh reng a. Border



fencing te pawh siam ngai tih a ni a. Chutiang khawp a Central sorkar pawhin a buaipui lai mek a nih avangin khawthlang lamah Tut thlang lamah 3<sup>rd</sup> Bn. I.R. hi a dah theih lawm ni? Mamit pawh khuan ram kan ngah mai a. Chutiang hmun chu min ngaihtuah sak thei sela Zoram mipui tan pawh atha hlein a rinawm a, mipui kan him damna tur a ni a, khawchhak lam pang hi chu tun an huat thu suhah boruak buai em em a awm ngai lova, khu lam ber kha kan buaipui a ni a, India sorkar pawhin a ngaih pawimawh avangin hung hial a tum a ni a. Chuvangin, 3<sup>rd</sup> Bn. I.R. hi Tut thlang lamah a dah theih lawm ni tih ka zawt duh a ni.

PU LALHMINGTHANGA

: Pu Speaker, ka lawm e. Mamit bialtu zahawm tak rawtna ang lo deuh kha kan sorkar kan ngen duhna hi a ni ve tlat maia. Tunhma khan District pathuunin kan awm thin a, Aizawl, Lunglei leh Chhimituipui District tih a ni a. Tunah I.R. Bn. a rawn awm ta neuh neuh a, a ram leilungah sem rual deuh a tha lawm ni tih hi ka lo thlir ve dan chu a ni a. Tun hmaa Chhimituipui District kau tibah khan Administrative District chu 2 a awm ta a, Lawngtlai leh Saiha, sawmi area chhungah sawn Autonomous District Council hi 3 kan nei reng a nia, a remchang lai eng emaw berah sawn 3<sup>rd</sup> Bn. I.R. hi dah theih ni ta sela, chuan a sap tawng takin equitable distribution of forces kha a ni dawn a, State chlungah hian Mamit bialtu sawi kha adik viau lain saw lam saw hmun pawimawh ani a. I.R. Bn. ala awm lo bawk a, Headquarter hi dah ngei nise a tha ang tih kan Home Minister hriat atan ka han rawt a ni. Chumi rualin sorkar hian a rakin tumna anei reng em tih kan zawt nghal bawk a ni.

PU P.P. THAWLA

: Pu Speaker, zawh bellhna petute an zahawm hle lain, zawh bellhna ka pek duh chu I.R. 3<sup>rd</sup> Bn. Headquarter chungchangah dilna te pawh thehluttu ka ni a. Tin, ka hma a mi rawn zawh tak ang khan a district zawngin tunhma chuan Chhimituipui District tih ani thin a, a Chhimituipui District pawh chu Lawngtlai leh Saiha District tih a then a lo ni leh ta a. Chuvangin, District a zawng a kil ber Myanmar border ni bawk Bangladesh Border ni ve tho bawk Saiha District chhungah hian 3<sup>rd</sup> I.R. Bn. Headquarter hi dah ni thei hram se a tha lawm ni tih zawhna ka han pe duh a.

Tin, a belhchhah nan Lunglei Sub-Headquarter party division te pawhin hemi thu hi ka rawtna ang zawng pawh hian thlawpna an pe tawhin ka hria a. Khilam pang YMA Group 7 lampang pawhin hetiang zawng hian dilna pawh an thehlutin ka hria a, a tul ngangin ka hria a ni. Chuvang chuan, Saiha District chhungah hian min dah sak thei hram lawm ni tih kha ka zawt e.

PU F. LAL THANZUALA

: Pu Speaker, ka zawh belh duhna chu I.R. Bn. strength hi engzat tur nge?

Pahnihnaah chuan I.R. Battalion din nan Central-in cheng engzatnge a sanction? 3 naah chuan tunah I.R. Police te hian enge an duty? 4 na I.R. Battalion thar din tur hian Mizo thalaite engzatnge employment sorkar hna hi pek theih ni ang? tih ka zawt e.

**S P E A K E R**

Helamah chuan pakhat ti ang aw, tu nge ni ang? Pu Rina maw.

**PU LALRINLIANA SAILO**

Pu Speaker, thil awm thar tur a ni a, khi-lam hlir maiah khan i hawi mai a, an inchuh lehngal a, ka'n theih ang e. Pu Speaker, ka lawm e. Kan zawh belh duh chu tuna I.R. Bn. an tih leh tur hi a lawmawm hle mai a, amaherawhchu, battalion din tawh enkawlina atanga chhutin fimkhur hle a ngaiin ka ring a. Chuvangin, battalion kal tawh a hi enkawl mek a hi tih belh thain ka ring a, hetah Starred Question No. 41 na a awm a, kan thleng hman dawn si lova, tahchuan Khawzawla 2<sup>nd</sup> battalion I.R. dinnaah hian sum engzat nge din a nih tawh tih leh turah khan a development a hi kalpui zel ani em? tih ka zawt duh a.

Tin, din nawn a harsain ka ring a, hun a chep tawh a, hei hmannah ka han kal a, kan Home Minister chak takin hma a la a, a lawmawm a. A kawng khi a chhe em em mai a, fur lai phei chuanin an innawr nasa mai thin a. Kawngah a kal theih loh thin a, tin, fur loh lain a khu bawk si a, sum kal tawh kan han hriat danah khan a tam ang reng si a, khi black top kan ti thei em? kan sorkar chak tak hian sum kal tawh kha a tam si a, black top kha an mamawh lutuk ani tih kha kan zawt duh a ni e.

**PU LAL THANHAWLA  
LEADER OF OPPOSITION**

Pu Speaker, kha I.R. Bn. din tur head-quarter kha an rawn rawtna kha a pawimawh viau mai a, chhim lamah a pawimawh a, khawthlangah pawh a pawimawh a, khawchhak lamah chuan Khawzawl-ah a awm tawh a. Tunlai hian Cachar nena kan boundary hi kan buaipui thar leh viau a, a lawmawm a, hmannah khan House-ah hian resolution kan passed tawh bawk a, khami bawhzui nan Pu Speaker, i bial Vairengteah awm se, a va remchang tha ber mai awm ve.

**S P E A K E R**

Min va support nasa ve aw, a chhang turin Home Minister i sawm tawh mai ang a rei tawh em mai. Tul riau a nih leh kan la fileh ang a, rawn chhang phawt rawh se.

PU TAWNLUIA  
MINISTER

Pu Speaker, vawiinniah thil thar House pawhin a pawimawhna a hriatin hlim takin helai chungchang zawhnate kan sawihoin kan zawt a, a lawmawm hlein ka hria a. Zawhna kha a tam ang reng viau a, tiang hian kan chhang deuh zung zung ang a, a indawt lem lo pawhin.

3<sup>rd</sup> I.R. Battalion tuna din hi kan Ministry-in nikum October ni 20 ah khan sanction min pe a, a raising cost kan ti a, a dinnaa tan cheng vaibelchhe 13 min rawn pe a. Amaberawhchu, 2<sup>nd</sup> I.R. dinnaah khan vaibelchhe 15 min pe a, tikhan a rawn tlem tak avang khan araising cost a hi tihpun turin lehkha kan siam a, kan Chief Minister te, kan Home Secretary te leh kan Chief Secretary te kal apiangin an bawhzuia tin, khulamah kan M.P. ten an bawhzui bawk a. Tichuan Battalion din tur hian kan inbuatsaih tho a. Khami 13 pawh khan kan din tho ang, kan ti a. Mahselangin, hemi raising cost a hi a standard a hi revise a ni dawn tih kan hriat avangin kan beisei hle a. Vanneih thlak takin kan Chief Minister in hmanna a kal hmuhnumber pawh khanin Home Minister, Home Secretary a hmu a, chutah chuan, "hei hi chu min tihpun sak rawh u", an ti a. An ni pawhin an lo tiam a. Chutiang chuan kan M.P. Pu Hminga Rajya Sabha member in a lo bawhzui a, March ni 3 chhun dar 12 leh dar 1 inkarah khan a thianpa M.P. pakhat nen Home Minister an hmu a, hemi chungchang hi Home Minister-in a lo hrih a. Nimin March ni 2 ah khan cheng vaibelchhe 25 hemi I.R. dinna tur atan hian Mizoram tan ka lo signed tawh a, tichuan adinna tur ah khan cheng vaibelchhe 13 ni lovin vaibelchhe 25 ka signed tawh a, a ti a ni. Chuvangin, hemi raising cost a pawh hi min rawn tihpun sak a, kan lawm khawp a. Hei ni sawm vel a ni a, order a lo la thleng lova, a lo thleng mai turah kan ngai ani. Chutiang chu Central atanga sum kan hmuh dan tur chu ani a. Hemia rising cost a tira pawisa min pek hlawm tawp hi chu State sorkarin a pek chhoh tur ani a.

Tin, I.R. Battalion hi enge an thawh? tih kha nichinah khan zawhna a awm a. Hemi sum chungchangah pawh hian a hmangtu apiangin an hlawh leh anmahni enkawlina an tum tur tih a ni a. Entirnan = Home Ministry hian khami right kha an reserve a. Chumi awmzia chu Home Ministry-in hmundangah an mamawhna apiangah State dangah ko dawn ta sela, akawltu State khan i he lovin a tulna apiangah an thawn ang, tih a ni a. Chutah chuan an kalna State-ah a chhawrtu khan hlawh an pe dawn a ni. Chu chu a borrowing State te khan expenditure chu an hman chhung chuan an lo pe dawn tihna ani a. Chuti anih loh chuan State sorkarin an enkawlzui chho a ni, tih kha an kalphung ani e.

Tin, hetia para military force te puibawm tur atana central sorkarin state te enkawl chungah a force din chu a ni e, tih kha kan chhanna a ni a.

Tin, a hmun tur chungchang hi chu dilna atam tawh hle mai a, kan Member zahawm tak tak ten an rawn rawtna kha khatiang zulzui deuh bawk khan dilna kan hmu a. Kha kan Opposition Leader zahawm tak leh Speaker pheikha chuan thurual hle mai a. Tunah hian department-in Cabinet Memorandum kan buatsaih zawh tawhsa kha a raising cost hi 25 crore

anah takah chuan kan ennawn leh mek a. Post 1007 hi I.R. Battalion-ah hian Post thar a awm thin a. Chu chu a hmingin a dan phung pangngaiin Post thar kha create a ngai a. Chutiang ang chuan tunah hian Cabinet Memorandum kan buatsaih mek a. Chuvangin kan chhannaah pawh khan lak thuai tum a ni, tih kha ani a. A rang thei ang bera tihfel a, tan kan tum a ni, tih kha kan chhanna a ni.

Tin, a hmun tur pawh Cabinet decision tur ani a. Rawtna chi hrang hrang leh dilna pawh kan hmu tam tawh hle a. Chung chu nakinah Cabinet-in ala decide turah kan ngai.

Tin, Battalion thar din tur anah avang chuan, Mizo tlangval kan thalaite sang chuang zet zawt chuan hemi battalion din hunah chuan hna thar an nei thei turah kan ngai a. Tin, battalion tharah hian tuna MAP leh IR atang hian bel thum tur a senior 100 chuang an rawn up chhoh thawt a ngai a. Khami chain reaction-ah khan promotion vacancy pawh rawn indawt chho zelah khan za chuang hi chu a awm leh hrim hrim dawn a. Hemi a battalion strength pangngaiah hian chutiang chuan a figure chiaah sawidik a har ang a, sang chuang zen zawn chu Mizo thalai ten tunah hian hna kan nei thei turah kan ngai a ni.

Tin, kan din tawhsa 2<sup>nd</sup> I.R. Battalion camp chung a internal route chungchang kha Khawhai bialtu zahawm tak Pu Rina pawh khan a rawn sawi chhuak a. Kei pawhin ka ngai pawimawh a, tunthla tir khan ka han kal a. Chu chu bawhzui hmasak tur zingah kan telh a. Kan hma theih thuai pawh a rinawm a ni.

Tin, tuna battalion din tawh sa tuna kan 2<sup>nd</sup> I.R. dinah hian ni 20.2.2006 thlenga kan seso tawh chu cheng nuai 42,67,83,127 kan seng tawh a ni. Chu chu zawhna hrang hrang chhanna a ni a, a kim maiin ka va hre ve.

**SPEAKER** : Le, Pu Rinte leh Pu Duha'n an la phar naa kan ti tawh lo rih mai dawn em ni? a tant tawh em mai.

**PU K.LALRINLIANA** : Pu Speaker, kha kha..... District head-quarter tinah lak a ni ang em? tih kha kan zawt tel duh a. Tin, eng chin nge an training ang? tih kha kan hre tel duh a. Tin, hemi lak turah hian Sports lama tithate infiam mite, Home Guard te, Ex-Service te, Ex-MLA te tan quota a awm thei ang em? tih kha kan zawt tel duh a ni.

**SPEAKER** : Aw, Pu Duha pawhin rawn ti law law mai rawh se, kan bawhchhe tlang tawh a.

**PU LALDUHOMA** : Ka lawm e, Pu Speaker, ka zawh duh chu, kan Home Minister zahawm tak hian, term hnasa atanga chhutim Home Department hi engtia rei nge a enkawl tawh? Hemi chhung hian Consultative Committee hi a awm ve em? Vawi engzatnge a koh tawh? A ko khat viau a nih chuan engnge a chhan? Regular deuh hlek-a koh House hi min tiam thei ang em? tih ka zawt duh a. Tin kan House Leader zahawm tak pawh hi ka ngen duh a, Meeting koh loh hian Democratic Principle a kalh phakin ka hria a, Consultative Member-a ka awm ve tawhna ah hian vawi khat chiah Meeting kan la nei a ni. Awmze nei loa din a ni lova, in rawn tlanga thiltih chu nise Sorkar pawh hi a kal dik deuhin ka ring a. Hei hi a nihna ang deuh hleka kalpui ni turin kan Home Minister chan pualah leh kan House Leader pawh a pumpui thua min bawhzui sak turin ka ngen duh a ni.

**S P E A K E R** : I.R. leh Consaltative Committee kha chu a inhlal deuh a, amaherawhchu kha lam kha, a chhan theih theih chhang turin Home Minister i lo sawm leh ang.

**PU TAWNLUIA MINISTER** : Pu Speaker, Member zahawm tak Pu Rintea Kolasib bialtu zawh kha, Recruitment tih hnuah hemi I.R. Battalion thar ber thilah hian District wise-in tih a ni.

A, tuna kan ruahman Recruitment hi district headquarter tinah tih a ni ang a, tichuan quota ti mai ilangin district level a zir khan district pakhatah lak tur zat kan bituk ang a, tichuan, Aizawla kan tih khawm hian Aizawl tlangval thingtlangin kan thik thei lova, chuvangin equal representation a awm theihna turin district headquarter tinah 59 lak tur a nih chuan, khata intlar zing atanga lak mai tur a ni. Aizawl in zuk pawlh lovin. Tin, district pakhata mi district danga va intlar pawh kha kan phal lo a ni. Kan hriat chhuah chuan chutiang chu district equal representation-a kha tih kan tum a ni.

**PU LALRINLIANA SAILO** : Chulai tak chu pawimawh ka ti a. Police lak hian drugs ngawlvei te an la a, zu rui te, hei hi khawngaih takin lak tawh loh nise, Minister zahawm tak hian min tiam thei em? ka zawt a ni.

**PU TAWNLUIA MINISTER** : Pu Speaker, kan strict khawp mai a, tunah hi chuan khatiang kha kan ngawi char char a, a har lo khawpmai a. 1<sup>st</sup>

I.R. dinah khan 200 chuang zet kha chutiang ang chu ban an ngai a chu chuan fimkhurna min pe a, tunah hi chuan khatianga ban ngai kha an tlem sawt khawp mai, kan fimkhurna a ni e.

Tin, a tlangpuiah training chung hi thla 9 a ni a. Tin, hemi Recruitment tih hunah hian Sports person hemi a titha zualte incentive atana duhsakna te, tin, Home Guard atangte pawhin an Service-te pawh hemi dan ang hian han ruahman theihna te pawh a awm a. Tin, kan Ex-service te pawh engnge ni accomodate theih ten an awm ang em ? Chumi chu Sorkar-in ruahmanna siam a ngai anga, kan tih dawn chuan, a tlangpuiah chuan ti tam theijo mah ilangin, a tlangpuiah chuanin kan consider thin a ni e. tih kha kan chhanna a ni a.

Tin, Pu Duha, Member zahawm takina "Consultative Committee kan va ko khat ve", a tih kha Pu Speaker, a dik a. Kumin chhoah hi chuan kan ko ngei turah pawh kan ngai. Hmanniah PHE pawh kha ka sawi tawh a. chutiang ang chuanin...

**PU F. LAL THANZUALA** : Pu Speaker, starred Question No. 28- na. Fisheries Minister chhan atan. Baffacos pawisa Sangha dil siam nan a pek kha engvanga tihlem vak nge ni ? Pek hmasak kha 150000 te a ni a, tunah chuan 35000 chauh te alo ni ta a. Engvangnge tih ka zawt e.

**PU B. LALTHLENGLIANA MINISTER** : Pu Speaker, Pu F. Lalthanzuala zawhna chhanna chu, Baffacos pawisa Sangha dil siam nan a pek kha a rate chu hectre 1 ah cheng 150000 zel a ni a, tukhuah tur len leh tet a zira pawisa hi pek ani. Pek hmasak ah pawh khan cheng 30000 dawngtu nmi engemaw zah an awm ani. Chuvangin a chung rate siam ang zel hian kalpuiani a tih tlem alo awm chuang lo.

**PU ANDREW LALHERLIANA** : Pu Speaker, Sangha dil siam chungchang nen hian a in kaihawih tho mai thei a. Mizoram sangha thar te a zawrhna kan um darh tawh si a, hei hi kan ngaihtuah sak dawn lawm ni tih hi kan zawt duh a.

Tin, sangha dil siamna hi pek anih danah hian Vairengte leh chhim lam area ah te hian Sangha dil nei miahlo te pawh pek teuh an ni tih report kan dawng tlat mai ani. Khami kha verify ani em ?

**PU B.LALTHLENGLIANA  
MINISTER**

Pu Speaker, Pu Andrew-a zawhna Sangha zawrhna hmun an thar chhuah a nih ka a. Sangha zawrhna hmun tur hi ngaihtuah-pui chhoh mek zel a ni a, tunah hian Aizawl Bazar New Building sak chhoh mek a ni a, sawlaih sawn Sangha zawrhna hmun tur dil ve nise tiin kan sawi ho tawh ani. Helai hmun hi chu beiseina lian tak nen kan thlir mek a ni.

Sangha dil nei ve lo Baffacos pek anni a tih a kha, kan lo enchiang ang, dilna hun hawn a ni a. Kan Officer ten uluk takin verification an la a. Chuta tang chuan Board in a lo thlir a tichuan pek anni thin a ni. Khatiang thil fello a awm anih chuan kan lo enfel ang e.

**PU SAILOTHANGA SAILO**

Pu Speaker, Starred Question 29 na (a) Mualkhang Gas Bottling Plant hi engtik-ahnge a function theih ang tih leh, tipuiling ta se nikhatah cylinder engzatnge a pek chhuah theih ang tih kha ka zawt e.

**PU K. SANGTHUAMA  
MINISTER**

Pu Speaker, chhanna (a) I.O.D. Ltd. hote hnen atanga thu kan dawn danin May emaw June 2006 atangin service thei tura beisei a ni. (b) Nitin Cylinder 1200 pechhuak thei tura beisei a ni.

**PU SAILOTHANGA SAILO**

Pu Speaker, ka lawm e. Ka Starred Question No. 30 na zawhna "Soil and Water Conservation Department hian Khawilai laiah te nge hinalakna a neih? A tlangpuite sawi theih a ni em? tih mai a ni.

**S P E A K E R**

A chhang turin Soil & Water Conservation Department changtu Minister zahawm tak Pu Aichhinga i lo sawm ang.

**PU AICHHINGA  
MINISTER**

Pu Speaker, Member zahawm tak Pu Sailothanga zawhna (a) Soil & Water Conservation Department hian khawilai

laihte nge hmalakna a neih ? tih chhanna chu, Soil & Water Conservation Department hianin hmalakna a nei ve nual a. Chumi kan han chhanna atan chuanin Distriet tinah Division kan nei a. Division tin hnuaiiah chuan Range 36 kan nei bawk a. Chungho chuanin anmahni Division leh an Range theuhah khan kawng hrang hrangin hna an thawk a. Chumi an hnathawhna tlangpuiah chuan hei Coffee te kan han ching a, rubber te, tea plantation te a enkawl a. Chubakah Carbamom pawh an ching ve a. Tin, chung zawng zawng kan chinna chhan chu Soil and Water Conservation turin Tui te, lei te luangral tur venna atan, thing hnuaiia a chin theih chi kan ching a ni ber a. Chubakah chuan terrace te siamin tuikhur te siam sakin, lui kam ram lo neihna fura tui lianin lei a lak hekna hmunah te, khatiang dawlna te kha kan siam sak bawk a. Tin, tunah hian Plan thar kan nei a. Kan khawtlang leh kan ram te, kan ram lui dung leh kan kawr thuk zelin a lei a lak hek zel te. Heng ven hna hi la in tan lak kan tum a. Chu chu kan hna pui berah pawh kan ngai a. Chumi tur ang chuan tunah hian tan kan la mek a.

Amaherawhchu, Department ah sum kan ngah loh avangin Central-ah Sponsor Scheme lamah te tan kan la a. Plan tam tak kan thehluat a. Tunah hian hna thawh tan tumin hma kan la ve mek a ni. Chu chu kan han chhan theih dan tlangpui a ni mai e.

S P E A K E R : Pu F. Lal Thanzuala i lo sawm ang.

PU F. LAL THANZUALA : Pu Speaker, zawh belhna pakhat han pek ka duh a. Department-ah hian ti ti a leng vel thin a. Hnahtial-ah sawn Division a awm ve a. Soil hi hmun dangah an sawn dawn tih a ri fo thin a. Hnahtial mipuite kan mangangin kan vei em em thin a. Hnahtial a Soil Division awm saw hmun dangah sawn tumna a awm em ? tih ka zawt e.

PU H. ROHLUNA : Pu Speaker, zawh belhna. Thingpui hi Soil & Water Conservation Department kutah Cabinet meeting khan nikum lamah khan an dah ni khan kan hria a. Chu chu Industry Department hian Soil & Water Conservation Department ah hian an hlan fel ta em ? Tu te nge thingpui chinah hian eng Department zawk nge ni Industry nge Soil Department a mawhphurtu zawk ? tih kha kan zawh belh duh a.

Tin, large Cardamom chungchangah hian khing kan bial Kawlbem tlangdung, Sialkal tlangdungah te a tha duh em em mai a. Tin, khing Vapar lamah te, chung chu kumin an hmalakna turah hian khilai khi min hma tel sak thei ang em ? tih kan zawh belh a ni e.



**PU LALTHLENGLIANA** : Pu Speaker, Mamit ah khuan Office Soil Department Office kha agreement te siam vek tawh a ni a, In pakhat luah tura tih a ni a. Chu chu vawiinni thlengin la tihfel loh niin ka hria a. Hei hi engtikah nge min tihfel sak theih dawn tih kan zawt ve a ni.

**PU P.P. THAWLA** : Pu Speaker, Saiha District a Soil D.O. awm tura hmalakna hi engehenge a kal tawh dan? eng chena hmalak tawh nge a nih? tih ka han zawh belh e.

**SPEAKER** : Hun a tawp tep tawh a, chhang turin Minister han sawm ila, hun a pelh hret pawn han chhang zo law law sela a tha awm e, ilo sawm ang.

**PU AICHHINGA MINISTER** : Pu Speaker, Member zahawm tak Pu Thanzuala zawhna Hnahthial Division chungchangthu kha, Lunglei District chungah hian Division pahnih a awm a, Hnahthial-ah leh Lungleiah a awm a. Saihaah hian Division a nih dan tur ang takin kan la function lova, chulai chu siam rem theih dan a awm em? tihte kan en a Hnahthial Division hi Saihaah dah mai ta ila, a rem thei a ngem? tihte ngaihtuah na a awm a. Mahse, tunah chuan decision mumal tak a la awm chiah lova. Mahse, district ah division hi a awm vek tur a ngaih anih lai a, Saiha a awm si lo a kha, Lunglei District ah pahnih a awm bawk si lai a kha, a siamrem dan te kan zawng mek a ni tih kha kan chhanna ni ta sela. Han pawn phei chu kan la ti hauh lo.

Tin, Thingpui chin, chungchangthu tu Rohluna rawn zawhna a kha, Thingpui Industry Department in a lo enkawl thin kha nikum lam atang khan Soil and Water Conservation in enkawl tawh se tiin Cabinet-in transaction of business ah khan a rawn thlak thleng a, chumi ang chuan kalpui turin ruahmanna Soil chuan a nei a, a theih ang angin a enkawl chhova, chutichung chuan Industry Department lam pawhin an hma lo lak tawhna leh an lo enkawl lai mek a chu an la enkawl zui ve zel tho niin kan hria a. Tin, Soil pawhin chutah chuan hmalak tanna chu kan nei tawh mek a ni.

Tin, Thingpui chungchangthu hi kan ramah a that lduh viau rualin a seng hun thu ah hian fur laia seng anih avangin duhthu a sam vak lohna chin a awm a. Engpawh nisela, hma chu kan la lak chhunzawm zel a, kan ti tak tak thei vak lova, sum kan neih tam loh avangin kan hmalakna kal chho mek a, Ngopa bial pawh kan hmalakna pakhat chu a ni a. Tunah hian seedling te pawh sem turin ruahmanna kan nei vein ka hria, chu chu kan ruahman dan mai a ni.

Tin, Mamit bialtu zahawm tak tak Pu Thlenga khan Mamit Division chungchangthu kha a rawn sawi a. Aizawl West tih thin kha a hmun hi Mamit ah dah a ni tawh a, hmanah khan kan ti tawh a, mahse, In luah mai tur remchang kan hmuh hi GAD lamin in afford lova min tih avangin a building luah tura kan in biak remsa vek agreement pawh kan sign vek tawh hi kan luah mai thei lova, mahse, tunah hian kawng dang dangin G.A.D. lam pawhin min hriatthiamna an nei chho zel a. Office atan kan entitle chiah lo pawhin Quarter ah kan hmang tel a nga, a then Godown ah kan hmang tel ang a, min hriatthiam sak mai turin kan dil a, chutiang chuan tunah hian min phalsak dawn in kan hria a, min phalsak chuan kan luah mai turah kan inngai a.

Tin, khulaiah khuan ram te pawh kan nei tawh a, a sakna tur pawisa tlem pawh Central atangin kan hmu a, chumi chuan tunah hian bul tan nghal kan tum bawh a. Mamit division ah hian bul tan tumin kan inbuatsaih mek a ni.

Tin, Saiha District chungchangthu kha chu nichinah ka sawi khan a huam tel mai awm e, chu chu kan han chhan theih chin ni mai se.

\* Speech not corrected.

S P E A K E R

: Question hours a tawp a, List of Business ah kan kal dawn anga. Chumi hmam member zahawm tak Pu Lalduhoma hnen atangin Calling Attention notice kan dawng a kan chhiar ang a.

The Hon'ble Speaker,  
Mizoram Legislative Assembly

Subject : Notice of calling attention.

Sir,

Under Rules 69 of the Rules of Procedure and Conduct of Business in Mizoram Legislative Assembly, I have the honour to submit a notice for calling attention to a matter of urgent public importance. The subject is regarding the problems being faced by local Mizo bamboo suppliers to supply bamboo from Mizoram to Cachar Paper Mills : (Heta Cachar Paper Mills tih hi Hindustan Paper Corporation Mill khu a ni) In the past session were given to Mizo who enable them to supply bamboos which has been trained in such a way that no Mizo will be able to supply bamboo nows and forever. The problem requests immediate attention of the Govt. I shall be grateful if you give me an opportunity to raise the matter on the floor of the House at the earliest' tih a ni a.

Hei hi uluk taka kan en hnuah thil pawimawh a ni a, a hmanhmawh thlak dan hi kan hrethiam chiah lova, Office lam chuan. Mahse, Member zahawm takin hmanhmawh thlak riauvin a hre bawk a, chuvangin, kan pawm sak a. Tunah amah Govt. Minister concern te attention la turin han move sela, minute 5 ai chuan a rei lo ang chu maw. Pu Lalduhoma.

PU LALDUHOMA

: Pu Speaker, ka lawm e. Hindustan Paper Corporation, Cachar hian kum khatah Mau Metric ton nuai 4 ½ a mamawh a. An mamawh atanga 60% aia tam mah hi

Mizoram Mau behchhan a ni. Tunhma zawng khan Mizo in Mau hi kan supply ve lova. Vai hlirin an supply thin a. Royalty tlemte kan hmu tih loh chu sorkarin hlawkna a nei ngai lo. Tunhnaiah Mizo ten Cachar Paper Mill ah hian Contract kan zuk dil ve thei ta a. Mizoram Bamboo Association te hial an lo ding thei ta a; a lawmawm hle a ni. Mahse, tunhnaiah hetia Mizote sumdawnaa kan han ti ve ta hi vai contractor ten an ngaimawh ta a. HPC thuneitute nena tangrualin Mizoten kan tlin ve hauh loh turin 2005 September ah khan Tender an ko ta a. MT. 30000 tal kum 2 chhunga pe thei lo tan chuan chhan theih loh in an siam ta a ni. Earnest Money Deposit ah ringawt cheng nuai 5 lak a ngai bawk. Kum 3 kal ta chhungin kum 1 talah metric ton singkhat lo supply tawh nih a ngai bawk. Chutiang Experience nei, Tender chhang thei tumah Mizo kan la awm lo.

Tin, he tender hi Mizoram Local Newspaper ah an chhuah bawk hek lo. Mau supply tute harsatna hi Chief Secretary in HPC hotute a sawipui tawh a. Department hotute pawhin an sawipui tawh a, mahse, a sawt thei lo a ni. Tunah hian, Mizoram Mau supply tuim vai 6 thlan fel an ni der tawh a. Kum 2 chhunga Metric ton nuai 3 supply tura pek an ni a. An hna an tan mek a ni. Chutah chuan Mizo kan tel lova. Tender chhang tura condition an siamah hian Mizo tan chhan ve theih a ni lova. Tunah he condition a qualify hi kan awm lo mai ni lovin kumkhua in hetiang condition hnuai ah hi chuan Mau supply thei Mizo tumah kan awm thei ngai dawn tawh lo tihna a ni. Vai supplier tan Metric ton nuai 3 an pek lai hian Bairabi atanga rel a thaw n tur Metric ton singthum lek kum khat atan Mizo pek ve a ni a. Rel a thaw n hian harsatna tam tak a nei a. Chungte chu :- 1) Rel Station-ah Mau dahna hmun a indaih lo. Tum khatah mi pakhatin Wagon 5 tal dahkhawl angai a, Mi 3 tana dahna pawh a awm mang lo a ni. 2) Mau dah khawl tur chuan kar 2 vel tal a ngai a. A lo ro hman thin a ni. 3) Fur lain a diak lutuk a, Truck an lut duh lo. 4) Rel Wagon mamawh zat hmuh a har. 5) Mau tamna hmun Kanhmun leh Kolasib tlangdung leh Saiphai leh hmundang amite hi Bairabi atanga tuanchhuah tur a phurh rual a ni lo. Hengte avang hian vai tumahin rela thaw n an duh lova. Tender pawh an chhang ve lo a ni. Chuvangin, Pu Speaker, kumkhuaa kan ram mau Mizoten kan supply theih lohna tura min siam an tum hi kan sorkar hian a ti tawp vat tur a ni. Mau a tam tan tawh mai a, hmanhmawh a ngai a ni. HPC hian an Mau mamawh 60% aia tam mah Mizoram Mau rinchhan annih avangin kan Mau hrallh kan phalloh chuan HPC khawl chuan her tham Mau a nei bawk dawn lova. Karfung tha tak kan nei a ni. 2004-2005 khan Mizo engemawzatin Mau an supply ve a. A chhan chu ram leilung neitute kan nih avanga ngaihnhathiamna (concession) min pek vang a ni a. Non-tribal-in metric ton 5000 chin an chhan a

ngaih lain Mizo tan metric ton 1000 chin an phalsak avang leh Earnest Money Deposit atan Rs. 20,000/- chauh pek an phalsak vang a ni. Tunah khian hetiang deuh hian condition siam leh se chuan harsatna a kiang mai ang. Experience an phut hi Mizo zingah tumah nei kan awm lova. Hetiang a nih chuan kan nei ngai dawn bawh hek lo. Earnest money atana nuainga pawh hi a harsa luktuk a ni.

Churvangin kan sorkar hian HPC te hi agreement siampui vat sela kan ram Mau hi aram neitute ngein kan supply theihna kawng zawng thuai thuai sela. An duh phawt chuan HPC te hian hei hi an ti thei a, tih pawh an lo ti tawh thin a ni. Chumi atan chuan kan sorkarin chak taka tunah hian, a kal thui hmaa chingfel turin ka ngenin, ka han pulut a. Tin, sorkarin alo ti thei lo palh a nih chuan Pu Speaker, ram hmangaihtu tutu ten emaw heng vai contractor te hi Mau la thei lova an lo siam anih pawhin kan sorkar hian lo hrethiam se ka duh bawh a ni. Ka lawm e.

**S P E A K E R**

: Kan dan 59(1). A member may, with previous permission of the Speaker, call the attention of a Minister to any matter of urgent public importance and of recent occurrence, a ti a. 'And the Minister may make a brief statement or ask for time to make a statement at a later hour or date' tih a ni a. Khami chungchangah khan Minister hran statement a siam ang nge? A remchan chuan han sawi nghal mai pawh a pawh lo aw - Dr. R. Lalthangliana.

**Dr. R. LALTHANGLIANA  
MINISTER**

: Pu Speaker, kan member zahawm takin calling attention motion a rawn put luh hi ka concern deuh pawh a ni a. Amah-erawhchu, kawng lehlamah Mau chungchangah hian thil inkaihhnawih a tam hle a. Hetah kan Industry lamte nen pawh inkaihhnawih a awm a. Mahse, khulai bik khu harsatna an tawh tih kha Assembly House-ah hian kan Member zahawm tak tak te pawhin zawhna engemaw kan nei tawh thin a. A chhante pawh kan chhang thin a. Kan Chief Secretary hova September thla a lo koh khan thil tam tak an rel a. Mahse, final ang zawng nilovin Minute an siam a. Kha pawh kha keini thu hovin direction kan pek ang hawi zawnga an tih tho a ni a. Chumi hnuah chuan duh angin a effective lo tih ka hria a. Hei kan Bamboo Supply Association te pawhin ka hnenah an harsatnate an rawn thlen avangin, kumin kum tir lampang kha nitain ka hria a, a ni chiah ka sawi thei ta mai lova, HPC hotute pawh ka Office ah ka ko nghe nghe a. ka lo tum dan chuan tunah hian Mau kan harvest-na tur atan, a season fur tui flak tak tak hmata pawh a lo ni a. A hunlai bikte a nih avang hian a hmunah mumal deuh hleka harsatna zuk hmuhpuia kalte nisi a va tha em tih keimah ngei pawh ka tum lai mek a ni a. Helaiia tuna Pu Duha'n an sawi by road bik tak mai a kan Mizoten an tih theih lohna chungchangte leh a tender system chungchanga harsatna an tih khirkhan lai pawh hi chianguang takin ka sawipui a. Theihtawp chhuaha tih kan lo tum ang e ti a an tawngkam ka dawn kalchho zel la hlawhtling lo anihna laiah khan chhutzui a ngai hrim hrim dawnin ka hria a.

Chuvang chuan Pu Speaker, technical neuh neuh chipchiara han sawi kha tia kan member zahawm takin an sawi takah chuan, ka inbuatsaih lutuk lo na a, amaherawhchu, atlangpui kha a hriat theih maiin ka hria a. Mizo supplier ten harsatna an tawh lohna tur atana hma kan lak kal chho mek awm a nih avang leh keimah ngei pawhin ka Office ah te ko chhova kan duh dan leh Mizo ten harsatna kan tawh lohna atana by road te pawhin an tih theihna tur atan te. Tin, an tender system ah tih khih khan lutuk lova kan chhan theih tur ang chi a tih tur ang chi point hrang hrangte kan lo hriatir tawh kal chho mek a nih avang khan hei hi ahmunah te remchang session zawhah nge ka hre lova. Enpui kan lo tum lai mek anih avang khan kha kha ka rawn chhanna angah min ngaihsak thei mai se kan member zahawm tak khan kan ti a ni, ka lawm e.

**SPEAKER** : A pawimawh kha chu Zofate interest kha protect tura hmalak tawh thin kha a nih hmele a. Le, List of Business ah kan kal ang a. Vawinah hian damlohna avangin Member zahawm tak Pu Sainghaka rorelnaah a lo tel thei lo a ni. Tunah Laying of papers, Pu Zoramthanga, Chief Minister zahawm takin Finance Accounts for the year 2004 - 2005 relating to Government of Mizoram, leh Appropriation Accounts for the year 2004 - 2005 relating to Government of Mizoram te House table-ah lay turin ilo sawm ang.

**PU ZORAMTHANGA CHIEF MINISTER** : Pu Speaker, i remtihna leh House remtihna, Finance Accounts for the year 2004 - 2005 relating to Government of Mizoram leh Appropriation Accounts for the year 2004 - 2005 relating to Government of Mizoram tih pahnih te hi he kan House dawhkanah hian ka rawn lay e.

**SPEAKER** : A copy sem nisela. Pu K.Sangthuama, Minister zahawm tak, "The Mizoram Consumer Protection 1<sup>st</sup> Amendment Rules, 2005, House dawhkanah lay turin i lo sawm ang.

**SPEAKER** : Copy sem nisela. Presentation of report Pu Zodintuanga, Chairman, Subject Committee-II -in The First Report of Subject Committee-II relating to Fisheries and Sericulture Department te House-ah rawn present sela ilo sawm ang.

**PU ZODINTLUANGA**

Pu Speaker, i phalna leh hei House rem-tih-nain, First Report of Subject Committee - II relating to Fisheries and Sericulture Department, hei House zahawm takah hian kan present a Committee hmasa ten, thil tul ang ang an lo en tawh hnuah, he report hi buatsaih a ni a, tunah hian House-ah present thei a lo ni ta hi a lawmawm ka ti a, ka lawm e.

**S P E A K E R**

A lawmawm e. Kan Committee te hi, an active hlein kan hria, a copy kha sem ni sela. Vawiin atana kan business hnuhnung ber, Legislative Business kan la ang a, Pu H. Vanlalauva, Minister zahawm tak, L.A.D. changtuin "The Lushai Hills District Councils, Amendment Bill, 2006 introduce phalna rawn dil sela atha ang, kan remti maw, rawn introduce sela.

**PU H. VANLALAUVA  
MINISTER**

Pu Speaker, The Lushai Hills District Village Councils Act, vawiinniah, he House hian introduce min phalsak turin ka rawn dil e, ka lawm e.

**S P E A K E R**

A copy kha han sem ula, tichuan kan ngaihtuah zui mai anga. He "The Lushai Hills District Village Councils Amendment Bill, 2006 hi Minister zahawm takin House ngaihtuah turin rawn move sela, ilo sawm ang u.

**PU H. VANLALAUVA  
MINISTER**

Pu Speaker, ka lawm e, ka bill, The Lushai Hills District (Village Council) (Amendment) Bill, 2006 hi ordinance kan lo hman tawh kan hriat em em a ni a, ka bill hi hrilh-fiah vak ngai turah pawh ka ngai lova, hemite mai hi a ni a, a bill awmzia sawfiah vak pawh a tulin ka hre lova. A hmasa bera kan sawi duh chu, Governor-in Ordinance a siam ngai leh he amendment bill, hetiang a han putluh a nihna chhan hi vang dang, chhan dang engmah a awm lova, 'Keimah vang a ni' tih he House zahawm tak hi ka hrilh duh a. Member zahawm tak tak te hriatthiamna pawh ka ngen duh a ni.

Pu Speaker, hengte hi erawhchu han sawi chian deuh thain ka hria. Assembly Sub-Ordinance Legislation Committee thurawn, nichina zawhnaah, pawh kan han sawilan tawh, kan han tihputlin theih mai lohna chhan, member (a seat) kan neih mek atam em avang khan kawng kan zawng hmu mai thei lo a ni tih ka sawi nawn leh duh a.

Tin, a V/C seat tihlem a rawn hring chhuak a ni tih zawhna chhannaah khan kan rawn sawi tawh kha. Vawi hnih/thum formula zawn a ni a. Member inkawpkim lo tur a kan han dah khan, a category tlem mahsela member apung leh si a. Chutih lai chuan kan V/C te hah zia leh site, sorkarin a hria a. Chuvangin an lawman beitham tak hi tihpun tulin a hre bawk si a, chumi avang chuan harsatna tam tak, kan hmalakna ah a awm a, formula hrang hrang kan han zawnnaah pawh kan buai hle a. Chutih lai chuan vanduaithlak takin, bawrhawmnain min han tlakbuak leh ta bawk si a, rawn pawh rawn hleihtheih lovin ka awm leh ta bawk si a. Chuvang chuan atawp a tawpah tuna ka bill rawn putluh tak, Governor-in ordinance a chhuah anga Feb. ni 24/2005 a kan lo hman tak a hi kan rawn chhawpchuah a lo ni ta a. Chu chu In 200 leh ahnuailam zawngin member, seat 3 an nei anga. In 201 atanga In 500 in member (seat) 4 an nei ang a. Member 501 atanga 800 in seat 5 a nei ang a. 801 leh a chunglam zawng zawngin seat 6 an nei ang tih hi sorkar thutlukna a lo ni ta a ni. Chu chu kan V/C term liamta kha thla 4 November 2005 - February, 2006 thlengin extend a lo ni tawh bawk si a, khami han extend leh pawh kha thil fel ber nia a hriat loh avangin, Governor-in ordinance siamin, February ni 24/25, 2006 ah khan he dan hmang hian Mizoram Village Council General Election 16 na 2006 chu kan lo nei ta a nih kha.

Pu Speaker, hemi chungchangah hian, lawmthu kamhnih khat talin House ah hian sawi hi bain ka inhria a. Election buatsaihtu zawng zawng kan official te, political party hrang hrangte party tin leh independent a candidate ten sorkar thu awi taka kan awm avangin buaina liantham leh harsatna lutuk tawh lova kan election kan zo thei kha a lawmawm hlein ka hria a, he House-ah hian lawmthu ka sawi a ni. Pu Speaker, Party hrang hrang te leh Party lo te pawhin lungrual taka kan lo hman lawk te a ni bawh a, sawiho vak a ngai lova, he Bill hi lungrual taka min pass sak mai hi ka beisei a, a ngen pawh ka ngen a ni.

Amaherawhchu, Pu Speaker, thil thenkhat Member tena an hriat duh tur nia ka hriat chu sawilan ka duh a, chungte chu - V/C term liamta 2002 - 2006 ah khanin V/C 531 a awm a, chutah chuan seat (member) 2339- an awm a ni. Tin, tun term thar ordinance a kan lo hman tak, kan hma February 24/25 a kan inthlannaah hian, V/C 556 a awm a, amaherawhchu, V/C 3-in inthlanna an neih ve loh avangin 553 ah inthlanna neih a ni a. Tin, V/C term hmasa aiin V/C 25 in a tam a ni. Chutah chuan, seat (member) 2036 an awm a. Term hmasaa V/C 531 awma member aiin tun term tharah hian V/C 25-a a pung chungin member hi 303 in a tlem zawk thung a ni. Hei hi sorkarin ngun taka a ngaihtuahin khawlian dangah pawh V/C 11 kan neihna te, V/C - 9 kan neihnaah te pawh hian khawtlang enkawla rorelnaa tha leh hun han seng tak tak hi chu 4/5 bak nichuang lovin a lang a. Chuvang chuan tuna kan kalphungah chuan V/C lo pung zawk si, member tlem zawk bawk si anih avangin hei hi thil tha tak niin kan hria a. Tin, V/C 3 inthlan lohna te kha Sakawrdai member 4 nei, Tinghmun member 3 nei leh Nursery veng Aizawl member 4 nei, an ni. Chungah chuan inthlanna kan nei ta lo anih kha. Tin, V/C term hmasaa seat (member) kan neih dan kha chu - In 200 leh a hnuailam zawngin member 3 an nei a, In 201 atanga In 400 in member 5 an nei a. In 401 - 700 in member 7 an nei a. In 701 - 1500 in member 9 an nei a. In 1500 chunglam zawngin member 11 an nei a ni. Pu Speaker, V/C member tihlem hi a tha lo a ni, a duham deuh phei chuan 'dan kalh

a ni' han ti ri te pawh a awm lek lek a. Amaherawhchu, Mizorama kan lo hman tawh dan hi 1954 atanga vawiinni thlenga kan kaldan han en hian V/C member 3-4-5 hi a lo ni deuh vek a ni. 1954 atanga kan record han en vang vang pawh hian Dan kalh a ni lo. Chuvang chuan hei hi Mizoram kalphung pangngai kan lo la zawh zawk a ni tih hi ka sawi duh a.

Tin, nichina kan sawi ang khanin member inkawpkim a tha love, han tih pawh zawhna ah kan sawi tawh ang khanin Member inkawpkim lova term 2 kan lo practice tawhah khan buaina kan pumpelh chuang lova, chuvang chuanin Synod rorel ang deuhvin 'kan kalphung pangngai hi a lo la tha anih hi a, tiin sorkarin thutlukna a rawn siam ta a ni a. Chuvang chuan Pu Speaker, kan lo hman tawhte a ni bawk a, member ten chawlh hahdam leh han zik mar te pawh kan duh anga, he ka bill 'The Lushai Hill District (Village Council) (Amendment) Bill, 2006' hi sawiho vak pawh ngai lova min pass sak mai hi ka beisei a. ka ngen bawk a ni e. ka lawm e.

**S P E A K E R**

: A bill neitu Minister-in a rawn move ta a, kan ngaihtuah ho ang a. A bill hi a sei vak lo nain nidanga kan tih ang tho in member te minute 10 hun inpe ta ila, kan Leader te erawhchu kan belh leh ang a, a tha mai ang em? Awle, sawiho dawn ila, tunge han sawi hmasa ang? Pu H. Rohluna.

**P U H R O H L U N A**

: Pu Speaker, vawünnia kan amendment Bill han sawiho tur a hi kan hman mek a ni a. Thil thar tehchiam a ni lova, kan hriatsa leh kan hman lai mek a ni a. Hemi Amendment hi 'The Lushai Hills District Village Councils Amendment Bill, 2006' tih a ni a. Hei hi a bill hrim hrim a pawh hi Amendment anga lokal lovin, a Act pumpui hi ennawna tih that zawk ni law law ta se chuan a phurawm deuh turah ka ngai a. Vawiinniah hetia a zeuh zeuha engemaw siamthat ngai reng mai, hemi Act a hi siamthat a ngai zing tawh khawpin ka hria a. A member chungchangah hrim hrim pawh hian tunhmain Nominated Seat te a awm a, a hnuah Nominated Seat tibovin, tikhan tihdanglam a ni a. Tunah hian a member zat a hi tihdanglam leh rawtna hi a lo kal leh a ni a. Hei hi ni e, kan Minister zahawm tak a bill puluttu khanin kalphung pangngai kan la zawh anih hi, a ti deuhva, amaherawhchu, tunhmaa a kalphung pangngai chuan Nominated Seat a awm a, member kawpkim a awm pawhin Nominated Seat nen tikhanin a kal a ni. Mahse, a hnuah a kalphung pangngai kha paihin Nominated seat paihin member kawpkim lovin a lo kal a. Engemawchen kan hman a, chumi hnuah tunah hian a member kawpkimin Nominated seat awm leh chuang si lovin, kalphung pangngai lo deuhvin a kal niin ka hria a, helai hi House-a han sawiah pawh, kalphung pangngai an tiha kha a pangngai lo deuhhleik niin ka hria a, chu chu kan sawilang duh zawk a ni.



Tichuan, tunah hian 'The Lushai Hill District Village Council Amendment Bill, 2006' an han putluh hi, hemi a a Principal Act a section no. 3 na Sub-Section No. 2 na clause No. 2 leh 4 ah hianin member 4 leh 6 khami clause 2 na leh a 4 na ah member 4 leh 6 han dahkawp hi, hemi number kawpkim hianin tunah hian nichina zawhna hun leh chhanna hun kan hman a, an sawi tawh ang khan, harsatna hi tunah hian namem lovin a siam a, hetah pawh hian sorkar pawhin tun March ni 15 thlenga V/C in-form-na hun turin a pe a, chutah chuan eng angin nge he V/C 94 lai mai, tuna inhnehtawkna sorkarna siam thei party mal awm lohna V/C te hi an kal dawn tih te pawh ngaihtuah tham a awmin ka hria a. Hei hian problem nasa tak ala create dawnin a lang a ni. A V/C hi dissolve mai tur nge? sorkarna lo inform thei ta lo se tih te a ni a. V/C dissolve han that loh dan chu kan sawi tam tawh a ni he House chhungah pawh hian C.A. in charge an la a, District Hqrs. ah emaw an rawn awm m san leh daih a. Thingtlang V/C te phei chu a khawtlang mipuite hi an rethei a. Dissolve hi a tha lo a ni tih hi kan sawi tam tawhin ka hria a. Chutah chuan Advisory Body te siam a lo ni thin a, chumi Advisory Body ah chuanin V.C.P. seal te an lo kawl leh lova, sanction engemaw lak chhuah turte a lo awmin C.A. in, V.C.P. seal kawltuin a lo lakchhuah a lo ngai a, chutah chuan a pawisa Advisory Body ah pawh thleng leh mang lo te a nih chuan khawtlangah hian harsatna namemlo hei hianin a siam thin a, chuvang chuan, tuna V/C inhneh tawkna 94 awm te hi engemaw chente chu in form thei turah te pawh ngai ila. Tunhmaa he harsatna heti taka kan tawh lohna thin, he amendment kan han siam dawn tak avanga ordinance Governor-in a lo chhuah kan hman tak avanga harsatna lo awm hi a pawiin ka hria a. Hei hi kei tha hi ka ti thel lo a ni.

Tin, hetiang harsatna mipuitena tuna an tawhna chhan leh kan V/C member mipui tena an thlan chhuah tena an tawhna chhan hi tunge mawhpur tih lai hi ngaihtuah tham a awmin ka hria. Mipuite hianin amawh an phurin ka hre lova, hemi inhnehtawkna khuua V/C thlantilinte pawh hian a mawh an phurin ka hre lo. A chhan chu hemi seat 4 V/C member 4 petu leh 6 petu hianin a mawh a phur a ni, kan sorkarin. Chuvang chuan, mipuite hianin an tihlohah hian harsatna an tawh dawn niin ka hria a. Tin, V/C member inhnehtawkah te hian harsatna an tawh dawn bawkin ka hria. Chuvang chuan, helaiyah hian sorkarin ruahmanna diklo a siamin ka hria a. Chuvangchuan, helai hi ennawn thei zawk se tih hi ka duh a ni, Pu Speaker.

Tichuan, hei kan sorkar hian hetiang kan V/C a kalpui a nih chuan khawtlang rorelna tha hi a duh tak tak em tih hi zawhna awmin ka hria. Inthlan zawha buaina, sorkarin siam theih tawh lohna a awm hi chuan rorelna felfai leh tha hi mipui hian an nei dawn lo. Democracy bulthut atang hian mipuite harsatna kan siam nghal dawn niin a lang a. Chuvang chuan helai hi uluk zawka ennawn leh ni ta sela, member kawpkim ni lo hian tih ni ta zawk se chuan athain ka hria a, he bill putluhna tur chungchanga statement of objects ang reasons ah hian khawtlang rorelna tha duh vanga he amendment bill hi putluh ni pawhin a langin ka hre lova, with a view to see demands of the present situation and as demanded by the ? administration of the village council on the state of Mizoram tih a ni. Efficient administration awm theihna tura tih ni se chuan a pawmawm viauin ka hria a. Mahse, efficient administration leh thildang engemaw chhuanlam tha zawk deuh awmte chu nise a thain ka hria a. Amaherawhchu, V/C lawmman tihpun duh avanga sorkarin sum nei lo chung

chung a hetiang a thil atih duh vanga a member a tihlem taka kawpkim nite pawhin a lang a ni. Tiang te chuan, Democracy bulthut ber hetiang a sorkarin a enkawl danah hian a lungawithlak in ka hre lova. Mipui kan pung tawlh tawlh a, roreltu te pawh hi kan pung tulh tulh tur niawm tak anih lain tunah hian mipui kan pung tulh tulh a roreltu kan pe tlem tial tial ang zawng a sorkar a kal chu Democracy Principle a kalhin ka hria Pu Speaker. Chuvang chuan, hei hi a dik thein ka hre lova, khawtlang rorelna tha hetiang zawng a kalpui kan tum anih hi chuan a V/C pawh form thei lo buai nghal ngawt anih hi chuanin khawtlang rorelna tha hi kan nei tak tak thei lovin ka hria a. Chuvangin, kan sorkar pawhin helai hi chu ennawn leh zawk se chuan thain ka hre khawp mai.

Tichuan, hei khawtlangah hian mipuiin V/C te hi chu tuna kan enkawl danah hianin zahawm taka awm tur pawhin a hmu thei pawn ka ring lo a ni. V/C kan sorkar hian a palzut khawpin ka hria a. Development pawisa khawih tur a awm tawh bawh lova, tuna an kuta thuneihna he a principal act-in a pek angte pawh hi tunah hian kan V/C te pawh hianin an hman tur angte pawh hian an hmang thei lo a ni. Tlawngai pawlte ang lek hian kan V/C te pawh hi kan ngai tawh nitein a langin ka hria a. Chuvang chuan, a principal act atanga siamthat zawka a pumpuiah kan Village Council Election Rules te pawh hi anihna ang tura Department pawhin han peih rang sela. Tun aia tha zawka kan election kalphungte pawh kan siamthat hi a tul tak takin ka hria a. Tuna V/C Association sorkarin a ngamlah tak mai avanga hetiang ordinance a siam pawmpui a, Amendment Bill pass pui tura an rawn putluh hi Pu Speaker, kei chu thlawp harsa ka ti a. Chuvang chuan he Bill hi ka support thei lo a ni tih ka rawn sawilang duh a ni. Ka lawm e.

**PU ANDREW LALHERLIANA :** Pu Speaker, ka lawm e. Hei vawiinniah Village Council in awp dana The Lushai Hills District Village Council Amendment Bill 2006 kan ngaihtuah ho dawn a ni a.

Kan Minister zahawm tak khan a rawn sawi tawh a, a rawn putluh dan leh a hmaa ordinance a kan lo hman tawh anih thu te khalam paug kha chu ka sawi nawn lo ang a.

A hmasa berah chuan statement of object and reason tihah hian sum leh pai renchemna turin tih kha a paragraph hmasa zawk tawpah khan a chuang a ni. Hei hi seat tihlem a pawisa sum te pawh hmantlem dan tur chungchangthu a rawn sawi niin ka hria a. Khalai chungchangthu kha ka sawi hmain kan lut lawk ang a.

A seat number tihlem chungchangthu a ni a, amaherawhchu, a practical a entirnan han sawi ta ila - Khawzawl khua te In 800 chuang pawh ni lo In 2000 vel laiah khian a hma chuan member 11 an awm thin a. Mahse, vawiinniah ordinance hmanga inthlan neihnaah khian member 20 chuang an ni daih mai. A awmzia chu V/C kha an thensawm ta vak a. Village Council pangaah thensawmin Village Council pakhat khan member k nei flem zawk mahse, V/C 5 daih a nih takah chuan member an tam daih zawk a sum leh pai sen atam daih zawk a ni. Chuvang chuan heta a statement of object and reason kalh khan ka

bial khawpuiah khian hma an la phawt tih kha ka hrihna ni nghal selangin. Chuvang chuanin, a tum leh a kaldan hi a inkalh hrim hrim niin a lang a ni. Awle, he Dan Amendment kan pass tur hi object na ka neih nachhan sawinawn tur a awm a. Chu chu ka sawi nawn leh thin ang a, nichinah pawh khan kan Minister zahawm tak khanin polite takin a telh theih loh chhan a sawi rual khan Subordinate Legislation-in kan rawtna tihpuitlin lohna chhan kha, pawm a harsa ka tihna chu hun atam em em a, Subordinate Legislation khanin Speaker hnenah 16.8.2005 khan a lo present tawh a, khami dawtah khan Department ah pawh pek nghal a ni. Chuvang chuan hun a awm em em mai a tih theih lohna chhan tur a awm lova, chhuanlam dang zawk niin a lang a ni. Tahchuan he kan dan ngaihtuah tur-ah hian kei chu V/C Election ah te leh Election reng rengah hian ngaihpawimawh ka nei a. Chung ka ngaih pawimawh Mizoram kan harsatna hi a address tlat loh avang hianin pawm harsa ka ti a ni.

A hmasa berah chuanin The "devolution of power to local self Govt. principle" a awm lovin ka hria a. V/C te hi thuneihna sang zawk te pek a tul a ni. India ram pumah pawh Panchayati Raj te engatinge ni khatianga phur taka an pass nachhan chu Local self government ah hian thuneihna pek a tul a ni tihna kha ani a. Mizorama kan practice ah hian V/C te hnenah hian thuneihna pek chu sawiloh an thuneihna hi kan laksak chho zel ani a. Block Development Committee ah te kan sawi tam ber chu V.D.C. a kan pass reng reng hi Party in a lo khawih danglam thei a, thuneihna lekkawh tu tur ber V/C thuneihna kha Party lamin a thuneihna a a chhuhsak leh theih thin tlat avang hian Development chungchangthuah te beneficiary thlan chungchang thuah te Party ten V/C recommendation te palzuta induhsakna hleihluak taka a kalpuite kha a kal thin avangin V/C an buai thin a ni. Khami problem kha tun dinhmunah hian address a ni miah lo mai a. Chuvang chuan V/C dan te hi kan siamtha dawn anih chuan thuneihna sang zawk pek a, anmahmi level a an tih ve theih tur ang a hi power pek a pawimawh em em mai a. Chumiah chuan he kan dan siam hian a address miah lo a ni.

Election ah reng reng hian V/C te emaw MLA te, M.P. thleng pawn a ni ang a, Election reng rengin a harsatna atawh chu corrupt practice a ni. Chuvangin corrupt practice dan theihna turin a election system a hi tihthat a ngai ani tih hi kan bei ber a ni a. Chu kan vei ber a chu siamthatna turin vote thlaktu ten V/C election ah te hian presiding officer hmuh lai ngeiin a thlak theih dan tur leh aruka a va ah chhuah a a va hralh theih tawh lohna tura election reform Subordinate Committee-in a kan recommend a kha, dan angin siam tha hmanlo mahse, ordinance chuan asiam hman a ni tih hi a chiang em em a ni. Khami kha siamtha duh lovin, kan hmanlo ani tih chhuanlam siamin a number k chungchangthuah tih chuk chukin ti hman bawk si khanin an kalpui tlat mai a ni. Chuvang chuanin thuneihna pek kawngah leh election malpractice, corrupt practice venhimna tur chungchangthuah he dan hian kan mamawh dik tak a address loh avang hian pawm harsa ka ti a ni. Kan sawi nawn leh ang a, election malpractice chungchangthuah hian, tun tum inthlanah hian sum leh paiah hian inleina a nasa em em mai a. Ruling Party in sorkar thiltih theihna hmangin an candidate tehnenah hian pawisa te an pe thin a ni tih a chiang a. Cheng sing chuang theuh an nei a ni. Tah chuan miin vote an thlak turah khan a va lut a thlak tak tak si lovin a rawn ak chhuak leh ta ani. Chutah chuanin hetah a lei thei sang sang hnenah khan a va zuar ta a.

Chutah chuanin ruling candidate khan sum leh pai an lo ngan avangla an lo lei theih tak thin avang khan tun tumah pawh a nihna takah chuanin vote in lei thin a tarti em em a ni. Saw Bawngkawnah ngeiah pawh sawn Police te pawhin khatiang a voté zuar leh hralh mek kha man engemawzat an nei tih report pawh kan dawng a ni. Mizoramah hian kan buaipui ber tur chu corrupt practice a ni, election-ah hian. Chumi chu tun tumah hian amend a ni miah lo a ni. A pawimawh ber 'amend' a nih si loh chuan kei chu hei hi chu lak let leh tha ka ti tlat. Hetiang kan duh ngei tel a siam that hunah hei hi chu ka la thlawp thei ang ka ti a ni.

Tin, a dawt lelah chuan hetiang siam chungchangthuah hian kan Minister zahawm tak hian Party dang hi ngaih pawimawh leh kaltlang tur anneih chu Consultative Committee a ni a, (minute hnih ka la nei tilma ani maw). Khamiah khan party dang te hi han rawn derna eih hi aawm loin ka hre tlat a ni. Chuvang chuanin ban tamna hmangin kan ti tlang tho tho ang ti a duhdan ang a tihltang tum a, he Bill pawh hi party dang te hriat miah loh a a ruk a rawn chhawp chhuah a, a nihna kawngah hianin tun laia practice ah hei hi a hrisel in ka hre tlat lo a ni. Entirnan han sawi ta ila Higher Education changtu kan Minister zahawm tak khan ICFAI Bill put luh a duh na kawngah hian Consultative Committee-ah te leh Committee hrang hrangah party dang hi a rawn kim vek a. Kan duhdan hi kan sawi vek a, hei hi tun tumah a rawn pulut niin ka hria a. Nakinah pawh pass a har miah lovang. A chhan chu kan sawi ho vek tawh a ni. Chutiang nilova ban tam chhuang a innawr tur ang zawng a rawn putluh a hi chu kei chu ka do hrim hrim tlat mai a. Chuvangin he dan hi enin inrawn zauna awm lo anih avangin a ni.

A tawp berah chuan hun ka nei tawi tawh bawk a, anumber chungchang thu he dan hi chu ka hma a sawitute ang bawk khan thil awm theihna a even number awm a hi tha ka ti lo reng reng a ni. A chhuanlam rawn siam a kha chhuanlam puitlingah ka ngai lova, kan Minister zahawm takin arawn siam a kha. He tie awm tam hi nakina a thlen tur chu ruling chakna hmanga innawr beh a nih loh vek pawhin in lei bawk a ni ang. V/C member te lei lehna boruak a hawng zau ani. Chuvangin corrupt practice inhawna zau zawk a nih leh bawk avang hian he Bill hi kei chu pawm harsa ka ti tlat a. Chuvangin kan Minister zahawm tak khan min ngenna zahawm hle mahse, la let leh phawt se ngaihtuah thar leh ta ila, hun a la tam a lawm, V/C Election leh hi chu kum thum daih a ni tawh a, chumi chhung chuan fel takin a siam hman a, tha takin tute party pawhin kan avail tur ang chin la siamthat ve vek hman anih avangin chutiang chuan la tel leh rih se hun tam tak awmah hian tutepawh duh dan ang hian kan la pass theih ka rin avangin vawiinnia bill hi chu khawngaih takin pass lovin la let leh mai se tih kha ka rawn ngenna a ni e, ka lawm e.

**PU ZODINTLUANGA**

han chai atan chuan a uihawm viauin ka hria a. Bill tha kan ramin a mamawhte, thil pawimawh zawkte kan sawrkar atanga ka lo beisei laia V/C member

Pu Speaker, ka lawm e. Hei, vawiinniah Minister zahawm takin V/C siam thatna Bill a rawn pulut a, vawiinnia mipui sum kha nilenga

tihhniamna Bill kan han chai tura hi a pawl ka ti a. V/C member 3 anni ang. In 500 aia a tam chuan 5 an ni ang a, In 800 aia an tam chuan 6 an ni ang tih ang Bil vawiinnia nilenga he House zahawm tak hun kan hmang tur hi a uihawm ka ti a. Hei khawvel democracy kalphungah chuan mipui an pung a, ram roreltu anmahni aiawha an thlan te an pung chho zel a ni a. India ram ngeiah pawh MP pawh mipui an pun chuan an tipung a, Mizoram ngeiah te pawh MLA te pawh Pu Speaker, mipui kan pungchho zel a, 40 hi a tawk tawh lova, 60 te hian tichho ve tawh ila, tih hi mi tam tak ngaihdan a rawn ni tan chho ve mek a. Chutiang kara Village Council level-a kan khawtlang enkawltute a tlem zawnga dan kan han siam hi a pawl tak tak a, vawiinniah he House-ina pass chiah kei pawhin ka rawn ngai lova. Khawtlang roreltute, khawtlang hruaitu turte kan thlan naah a member kan han thlan chuah danah hian nichinah pawh sawi tam tak a awm tawh a, a in draw thei ang a member kan han siam ringawt-ah pawh hian corruption tam tak a rawn thlan nghal a, kan bial thenkhatah chuan V/C in draw naah chuan V/C member-te kha contract singkhat tithe BAFFACOS tein a nia an in thlem tawh ni, Pu Speaker. BAFFACOS kan sem dawn a, V/C min siampui rawh titein. Chutiang ang dinhmunte chu he dan hianin a rawn hrii chhuak a, chumi piah lamah kan department lam atangin nge kan sawrkar khan nichin khan a la puang chiah lo nachungin ni 15 hmaa insiam fel thei lo chu dissolved anni ang tih hi a leng nasa em em mai a ni. Chutah chuan dissolved nih ngawt aia rorel lai party-ah hian V/C han siam rawh u tia invauna hian tam takah chuan mipuitena an duhna an thlan ni lovin an thlan tawhte byforce a an duhna ang ang pawh ni lova khatianga sawrkarna siam tina hi tunah hian a immun chho mek bawka. Chutiang ang dinhmun chu he kan dan hman mek ordinance pawh awm tawh hi siam that leh hi a pawimawh zawkin ka hria a.

Chuvang chuan Pu Speaker, vawiinniah hian hetiang ang kan Bill a hi han inhnukdawk leh sela hei aia ropui zawk, hei aia chichiar zawkin kan in thlan dan te, a in thlan dan kalphung a ballot paper, mipakhatina ballot paper tam tak kan chhut thin a harsatna tam tak kan tawh thin ang te, khatianga anga sutkian theihna tura arualkhai zawka bill hi a hrianin rawn pulut leh thei selang chuan kan ram tan pawhin a tha zawkin ka ring a.

Tin, chumi piah lamah hetiang ang bill-ah hianin Model code of conduct te hi a pawimawh hlein ka hria a. Kan bial ah chuan Minister pahnihin tun V/C in thlan dawn khan an rawn campaign a, chu an campaign-naah phei chuan Pu Speaker, sawrkar hnathawkte kohkhawmna function-ah khan MNF official candidate te kha din tirin hengte hi in thlan thin chuan tin chawpleh chilha tiamte kha tam tak a awm a ni, an thlan tir loh chuan an application tam tak te kha hmu lo tur an ni nghal ringawt mai a ni. Khatianga angah te khanin invauna leh a diklo a tilen lohna atan khanin model code of conduct te hi kan sorkar lam atangte hianin rawn tel thin sela a tha awm mang e aw ka ti a. Chutiang angah chuan Pu Speaker, vawiinnia kan bill kan chai lai mek a hi khawngaih takin kan Minister zahawm tak hianin min lak let sak sela ennawn leh atan tih ka rawn ngen a ni e, ka lawm e.

PU D.THANGLIANA

Pu-Speaker, ka lawm e. Vawiinniah kan LAD Minister zahawm takin 'The Lushai Hills District {Village Council}{Amendment} Bill, 2006' a rawn pu lut a, hei hi

thil lawmawm tak niin ka hria a. Kan ngaihthlak ho atang kha chuan he a Bill hrim hrim lai a hi a tha love, an chuti e, tihna lampang kha kan ngaihthla vak lova. Vawiinniah kan Minister zahawm takin a rawn putluh ah hian V/C member In 200 awmna chinah khan 3 awm sela, In 200 chung lamah khan member 200 - 500 ah khan member 4 awm sela. Tin, In 500 atanga a chunglam khan member 5 awm sela, 800 atanga a chunglamah 6 awm sela tih V/C election ah pawh kan lo hman mek tawh a kha, ordinance a a lo tih tawh kha a han pulut mai a ni a. Hetah hian han sawisel tur a vang hlein ka hria a. Hei hian corruption a practice emaw a practice lo lampang a kawkin ka hre lova. Member chuti zah thinah khan heti zah hi ni rawh se tih lai mai a kha vawiinniah kan Minister zahawm takin a rawn putluh a hi a ni a. Tun V/C inthlanah pawh khan party zawng zawngin independent te nen lam he kan dan a hi kan hmang a. Tumah hi he dan hi kan hman chuan corruption kan practice anga a thalo ang nge tiin V/C election kan neih hma khan tumahin sawiselna kan nei lo a, political party zawng zawng te inlungual tlang thapin he V/C ah hian hnehna chang turin kan inbei tlang a ni a. Chutiang anga kan hman tawh hnuah chuan vawiinniah hian a tha lo e han tih hnuhnawh leh pass lo tur ang zawnga ngaihtuahna kan han hmang leh hi kan ngaihtuahna kan hmang fuhlo deuh em ni aw tih ka ngaihtuah na ah a awm deuh a. Tin, chuloah member inkawpkim an awm avang hian rorelna kha fello an siam a, V/C member 553 inthlannaah khan a kawpkim a tling a te inzahna hmunah khan 94 emaw chauh a ni. A dang zawng zawng ah kha chuan rorel theiin party tuten emaw rorel theihna tur vekin ruahmanna a awm a ni tih kha vawiinniah hian kan hriat a pawimawh a. Heng a inkawp kim a party 2 emaw 3 emaw rorel thei lo a inzahna an tlin avang hian V/C rorelna hi a fel lo, a tha lo ni lovin, a that lohna chhan zawk achu kan thlantlin village council member te rorelna fel leh fellohah khan ainnghat zawk a. A member inkawpkim leh kim loh ah hian a innghat lo a ni tih kha vawiinniah hian Pu Speaker, kan hriat a pawimawhin ka hria.

Hei MLA ah pawh, Mizoramah MLA seat 40 kan nei a, 40 kan neih avanga buaina kan nei ngai miah lova. Chutiang ang bawk chuan V/C election ah hian sorkarin number inkawpkim a dah avang hian buaina pakhatmah a awmin ka hre lo a. Chuvang chuan tuna kan Minister zahawm takina a rawn putluh ang hian vawiinniah pawh hian lungual taka kan lo hman tawh a ni a, hemi han pawmpui mai a kha thil harsa turah kan ngai lo a. Chuvang chuan party zawng zawng te kan lo inlungual tawh ang khan he kan Minister ina a rawn putluh a hi a putluh loh lampang sawi dawn kha chuan sawi tur tam tak a awm ang a. Nimahsela, vawiinniah a rawn putluh hi chu a member chungchang mai a kha a ni a. Khang avang khan engmah corruption practice na tur emaw, rorelna kalphung fellohna tur emaw awmin a lang chuang lova. Chu vang chuan kan Minister zahawm takin a rawn putluh ang hian kan lo hman mek a ni bawk nen, lungual takin, chawhnu lampang hunte hi awl te pawh kan duhin ka ring a, chawhma lampang hian pass tlang mai ila a tha lawm ni tih kha ka rawn sawi duh a ni e, ka lawm e.

**S P E A K E R** : Bill a tawi deuh baw k a, kan sawi tawi thiam viau hlawm e. A lawmawm e Pu H.Liansailova.

**PU H.LIANSILOVA** : Pu Speaker, tawi te, han sawi ve kan duh mai chu, hetiang hian a ni. Hei Lushai Hill V/C Act 1952 ina V/C min siam sak hemi hmanga V/C kan lo neih thin a hi siamthat a tulna hi pakhtah chuan tuna kan mamawh a inenkawlna a inthlan danah te, tin, anmahni thuneih danah te, a tha taw k lo tih hi chu inhnial ngai lova, kan pawm tlan sa vek a ni a. Tin, hemi siamthat a hi chu a tul a ni, sorkar a enkawltu chuan a ngaihtuah tur a ni tih pawh hi, anmahni pawh kan va nawr ngai lova, hriatsa niin ka hria a, a hmalama zawhnaah te kan sawi ang khanin kan Suborninate Legislation Committee ngei pawhin hmanhmawh thil a inthlang mai tur kan nih hrerengin, September, 2005 ah khanin a rule siamthat ngai zual lai bik tura hi chu inthlanna felfai a hnua inpuh mawhna leh insawi chhiatna anga ngaih theih tur thil pawh awm lova felfaia kan kalpui theih turin ruahmanna kan siamin Department hian a rang thei ang berin hei V/C inthlan leh hma hianin rawn pu lut rawh u, tin, a report pawh sorkar a thleng hmanin a lang a, chuti laia chu nichina kan sawi tak ang khanin, a Subordinate Legislation Committee ina an thir hma hauh pawhin, a Department leh Political party hrang hrang V/C inthlanna an lo tel tawh thin, mipui pawh hian an hre viauin a lang a ni.

Tin, pahnhnaah chuanin, kan V/C te dinhmun an thuneihna leh kan enkawl dan leh an lawmman kan pek dan pawh hi, a taw k lo a ni, tih hi chu inhnialna tur thu awm miahin ka hre lova, tin, kan sorkar ngei pawh hian chu chu chiang taka hriain, inkoh khawmna apiangah leh V/C te seminar leh engemaw beihpui apianga an lawmman pawh hi tha taw k pek tur a nih thu hi puan reng a ni a. Chutiang anih takah chuan dan tha tak ruahmanin, chung kan ram problem kan sorkar leh Department hotute, tin, political party zawng zawng ina kan lo vei thin leh kan ngaihpawimawh lai rawn ching fel tur chuan dan tha tak kan sorkar hian heng hun chhung hian a rawn chhawp chhuak tura beiseina leh thirna kan nei lo thei lova, amaherawhchu, kan rin ang a ni ta lova inthlan dawn hnaia ordinance hmangin siamthatna hna chu rawn kalpui a ni a. Tin, nichina kan ngaihthlak tak ang khan kan Minister damlohna te kha, a pawh khawp a, amaherawhchu, a dam loh hma zawng zawng khan, V/C inthlanna tur hi chu a hun tawp tura pawh kha November, 2005 ah tawp a, inthlang tur kan ni tih hriatsa vek a dam loh hma zawng zawng kha hun a awm a, amahin a department leh sorkar a chhanna atana a mawh zawng zawng ka mawh ani e, a ti ngawt kha chu, a dik tawkin ka hre lo a. Chuvangin, tun tuma hemi inthlanna atan a kalpui thei naw naw tur aniang chu ti ang deuh a, ordinance an han chhuah ah pawh hian asiam tha zawng leh a tilian zawng ni lo, a ti te zawng a han kal hlauh mai hi chu, nichina kan ngaihthlak tawh ang khanin a mipui aiawhtu, hemi a clause root level a kan democracy institution ber mai, an dinhmun siamthatna tur ngaihtuahna anga lang si, an mahni lam no. tlem tlat mai kha chu siamthat duhna leh tum tak takna aiin, engemaw a sum sen titem a, a pumpuiah chuan, amaherawhchu, a lawmman kan lo tiam tawh leh an dinhmun siamthatna tur kan lo tiam tawh tih hlawhtlinna atana tih mai mai ni hianin a lang a. A chhiarkawp rilruin ka hria a ram issue leh ahnuk kha a khawih lem lo niin ka hria a.

Tin, chu lovah chuan a hun thua pawh hian nichina kan sawi tak ang khan hmanhmawh thila tih ngai miah lo, 2002 atanga 2005 chhung kha chuan heng hi siamthatna rilru hre tak tak a kan vei anih chuan hun hi a tam tawkin ka hria a. Tin, N.G.O. lam leh kan mithiam te atang te phei chuan (PRI) constitution amendment 73 leh 74 te pawh Mizoramah hian kan hmang ve tawh tur a ni, hei hi kan ram mamawh a ni tih an sawi hi a hnial kan awm chuangin ka hre lova, kalpui kan tum theuh ang pawhin min beisei a ni. Amaherawhchu, helamah hian hma kan la chak chuang lova, a siamthat ngai lai siamtha tur pawhin hun khati zawng kan nghaka atawpah indan chep loh theih lohva siam angin ordinance in kan chhuah a, chumi hnu hmanah pawh chuan a teite zawngin an han siam ta hlauh mai hi a paw ka ti a. Chuvang chuan hei kan ordinance sawi chu a theih ang angin kan lo hmang tawh a, inhmang lovang tih thu pawh a awm tawh lova. Amaherawhchu, kan dan hi hemi zulzuia kan siamtha dawn anih chuan nichina kan ngaihtlak tawh ang khan, hun thawl zawk an nei tawh turah ngai ila sorkar lam pawh. Tin, siamthat an duhna tak tak a kha keini pawhin kan tawmpui a. Chuvang chuanin he dan a hi chu Mizoram mipui leh N.G.O. tena an intawmpui ang leh, kan mamawh ang rawn khai zo tur, rawn khung zo turin rawn en tha leh selangin siamthat tak tak hna thawkin 'The Lushai Hills District Village Council Act, 1953' hi a pumpuhlumin tun dinhmuna kan mamawh leh kan ram mipui te leh kan ram siamna tur atana N.G.O. te, kan mithiam te party hrang hrang ten a kan ngaihtuahna hi a lang chiang reng tawh a, hemi rawn address hian dan hi rawn ennawn tha leh sela, tih hi kei ka ngaihda a ni a. Tuna a awm ang ang in pass pui hi chu kha tunah pawh ngaihda insu a awm a, kan dan hman that loh avangin inpuhna tha lo tak takah corruption leh a party leh a sorkar ah te pawh sum leh pa senga inpuhna te pawh kha a awm phah ta niin ka hria a, chuvang chuan heng thila hian kan dan a ber hi a that loh chuan a tihda leh a hman dan hi a fel tak tak thei lova, dan tha tak pawh hi a hman danah mihring kan chak tawh loh avangin engemaw laiah inpuhmawhna inpuh chhiatna tur corruption chhe tak thleng te pawh a inpuhna tur kan nei zel a ni a, chuvang chuan tun atan hi chuan kan sorkar pawhin hun chep takah hman ngat ngat theih tur ordinance in a rawn chhuah tawh hi tawkah ngai ila, hman tur tak tak erawhchu kan zavaia mipulah pawh kan lo puan tawh, Village Council Association ah te pawh kan lo tiam tawh, tin, keimahni pawn kan rilru tak taka tha nia kan hriat keng zo tur dan thar siam turin ngaihtuahna hmang ila, chutiang chuan sorkar pawh hian dan thar tha zawk siam turin a tir phei chuan Consultative Committee te pawh kha kovin inrawna zau zawk neiin, dan rawn duang sela a thain ka hria a, chu chu kan dipui a ni, ka lawm e.

PU LALRINLIANA SAILO

:

Pu Speaker, ka lawm e. Point luhkhat lek han sawi ve ka duh a, kan Minister zahawm tak Bill rawn putluh hi pehhei lovin kan sawi ang a, a la hmanhmawh

thlak loh e a ka ti deuh a ni. A chhan chu tunah V/C kan inthlang zo chauh ani a, tuna kan dan thar hman hi eng angin nge a V/C a te khan an kalpui a, a thama leh that lohna hi a la en hmanin ka hria a, chuvangin tun chung chungah hian tilo mah ila, pass lo ta ila nakinah a tha zawk anih chuan kan pass pui thovin ka ring. Chuvangin tuna kan han ti mai a hi a la hun lo deuh e a kan ti deuh a ni.



Tin, Pu Speaker, tunah hian ka hma ami sawi ang khanin a ban tam lam kan ni ti a han innawr mai chi ah ka ngai lova, a chhan chu ram tana tha zawka kan hriat chu hmanni lawkah pawh kan Minister zahawm tak Pu Thlenga Resolution pawh lungrual takin kan pass mai a. Kan ram tana tha mia kan hriat avangin. Chuvangin he thil hi hmanhmawh thlak ah ka han ngai lo deuh hlek a ni.

Tin, a formation hrim hrim hi sawi kai ka duh chu - 4+4 te 2+2 a lo ni ta a. Entirnan Biate ah 2+2 a ni a. Ruling chu an pe ta a ni. Tahkhan han Committee ta se, ngaihdan te an siam a. 2 member nei khan V/C an siam a, pakhat a chair a, a hnialtu tur chu opposition 2 an ni nghal a ni. A ruling lam V/C siamtu lam kha pakhat chauh member a ni ta a. Ngaihdan phir ta se, casting vote in a thelh pha ta lo reng reng. Chuvangin, a formation a kha a dik lo hrim hrim a. Hemi number inkawpkim ang hi chu a fuh zawk hrim hrim niin ka hria a ni.

Tin, kan Minister zahawm tak khan nichin a a han move naah pawh khan 1954 atanga vawin thleng kan hman hian hetiang number kawpkimlo hi vawi 2 (ka hresual a nih loh chuan) kan hmang a ti a. Hei leh chen kal tawlnaah hian a tha lo zawk anih ka ring hrim hrim a ni.

Tin, Democracy rama awm kan ni a, Democratic Principle ah roreltute a tlem zawnga kal hi a tha lo hrim hrim a ni. Hei, tunah hian kan hriat tlan vek ni mahse Mizoram enkawltu turin MP pawh hi a tlem lutuk a ni. Mahse, kan populationin a tlin miau si lova, hriatthiamna avangin pakhat ve ve kan nei tlawng a ni a. Hengte pawh hi ngaihtuahnaah a awm a. 1988 a, zirlai kan nih ve lai khan, Zirlai hruaitu kan nihna angin Students Federation of India ah meeting turah Flight ticket min lo pe a, Kolkataah ka zuk tel ve a. Kan thian dangte chu vawiinniah MP te an lo ni tawh a. Hmanniah Delhi ah kan inhu hlah mai a. Chungte chuan Mizoram te leh anmahni Kerala te kha an ngaihtuahin, M.P. Centrala representative/mipui, aiawhte tlem an ti ve a. Chuvangin M.P. ah hian Literary percentage a sang keini leh nangni hian i move ang u hmiang, Central ah hian i vocal leh ang u tilte an rawt hial zawk a ni.

Vawiinniah chutiang khawp chuan kan roreltu aiawhte tam zawk nise, ram tan leh, khulamah an sawinaah pawh chak zawka a kal theihna tura kan rin lain, chutianga ngaihtuahna kan neih lain, keini chuan a bulthut lamah a tlem zawngin kan inhrut a ni a. Hei, khawvel a lo changkang chho a, sualna (crime) te a changkang tulh tulh a, chuvangin a enkawltu tur veng/khua te hi mihring tam a ngai ta hrim hrim a, khawvel a lo changkan tak hrim hrim avangin. Chuvangin tun a a tlem zawnga number kan ti thla hi chu a tha lo hrim hrimin ka hria a ni.

Tin, Pu Speaker, nichina kan ngaihtlak tawh angin, March 15 hmam V/C siam theilo ta ang se C.A. te khan an awp dawn emaw a lo ni ang a. C.A. awp thatloh zia kan sawi tawh thin, an awmna hmun a tangin kha village ah khan an kal khat si a, Law and Order te khawchhung inrelbawl danah te a chhe hman vek thin. Zu check chungchang emaw, misual um leh reserve humhalh chungchangah pawh, mawhpurthu C.A. ten hla tak atanga an enkawl chuan a dik lo hrim hrim a ni. Chumi atana kawngka inhawng zau lutuk a kha a tha lo hrim hrim bawk a ni.

Tunah hi chuan, he dan an rawn moved a hi la letin 'e, a ni tak a lawm le' ti mai se, tichuan kum hn ih khat emaw liam se dan in kan awm ang a nakumah te pawh 'a, kan thiltih hi a lo tha zawk e' ti ta se kan lo zir ve ang a, inrinna hman pawh awm lovin kan inbawh thut zel mai a ni a. Mahse, Minister zahawm takin a rawn sawi a, chutilo chuan, study-na hunte, exam hun te han zir chianna hun te awm se kan khawtlang tan kan ram tan leh khawtlang inrelbawlna hrim hrim atan hian a that zawk ka ring a ni tih thu kha ka rawn move a, khawngaih takin kha kha hrethiam sela atha lo ka ti a ni chuang lova a la hma deuh e a tunah hian zirna hun a awm love tiin hun leh atan ti ila tunah hian pass lo mai ta ila tih kha ka rawn sawi a ni e, ka lawm e. Pu Speaker.

**PU SAILOTHANGA SAILO :** Pu Speaker, ka experience atangin eng eng emaw han sawi ve ka duh a. V/C kum 6 hotute zarah kan lo ni ve a, kumin March thla kha ka V/C nihna a lo tawp ta a. Vawiinniah hian Village Council Amendment Bill, 2006 chu sawiho a ni a. A thuphung chuan a tha thova, mahse, tha ka tih loh dan han sawi ka duh a.

Tuna a lan dan chuan kan hman mek seat 3, 4, 5, 6 hi kan lo hmang laklawh tawh si a, he House zahawm takah hian amendment hi i siam ang u anti a an rawn pu lut a ni phawt mai a. A tum hrim hrim chu ka sawisel a ni chuang lova, mahse, pakhatna kan sawi duh chu a member tihlem hi a tha lo ka ti a, a hmasa zawk member 3, 5, 7, 9, 11 kha tha ka la ti fova. Tun tum Village Council inthlanah pawh hian mahni bialah te pawh entirnan han sawi ta ila, member 3 nei thin khan 4 kan lo inbeisei em em a. Chutiang zelin member 5 neiin 6 kan lo beisei lain sorkarin tihian a rawn tihlem leh ta thut si a, min barakhaih ang reng khawp mai a. Village Council member ten sorkarin hlawh tam zawk min pe rawh se kan han ti a, Assembly hmasa pawh khan zawhna ka zawt a, sorkarin hlawh tipung turin theihtawpin tan kan la mek a ni tih sorkar chhanna a ni a.

Tichuan, Pu Speaker, vawiinniah hian Village Council member te hlawh tihpun kan duh si chuan sorkarin sum kan lo indaih lo bawk si nen Village Council member te hlawh hi tipungin member tihlem teh ang tihna a ni mai a, chu chu vawiinniah hian amendment kan pawmpui dawn nite pawhin a lang a. A tlem lam ai chuan a tam lam hi a lo tha khawp mai a, V/C sitting kan han nei a, member 3 lek mai hi chu a khawharthlak dawn khawpin ka hria a. Tin, member hi kan tlem emaw kan tam emaw 100% hian a kalkim theih loh hrim hrim a. Member 3 hi VCP in sitting lo ko ta ang sela, pakhat thei lo turah lo ngai ta ila, a chhan leh vang hrang hrang avangin member 2 an ni dawn ta tihna a ni a, V/C Secretary a lo tel ve ang a, member 3 a 2 kalte chuan decision siam kha a har dawn khawpin ka hria a, pakhatin ngaihdan a nei ang a, a dang pakhat khan ngaihdan a rawn nei bawk ang a, a buaithlak hle dawnin ka hria a. Tin, chutiangin member 4/5 te pawh kha, a chang chuan pakhat mai nilo 2 te pawh kal theih loh chang a awm ngei dawn a, a tam zawk kan lo beisei laia a tlem zawk sorkarin hman in la hi a fuh loin ka hria a. Tunah pawh in han practise chho ang a, V/C member atang leh khaw hotute atang hian complain tam tak indawn ka ring a, chuang chuanin a tam lam nilovin a pung lam zawng ti leh turin sorkar

hi an nawr che u ka ring a ni. Hotute zarah V/C kum 6 chhung kan han nih ve nalaiah hian kan hre nel nual a. Tin, kan L.A.D. Minister zahawm tak pheh hi chu kan V.C.P te lo ni thin, kan khua Chhinga Vengah te pawh kan chhuan tawlawl pa a lo ni thin a, a experience atang pawhin tam tak hi sawi tur a hriain ka ring a, tlem lam ai kha chuan tam lam kha a duh ngein ka ring a, amaherawhchu, sawi leh sawi hnu, a V/C member te kan lo hah a Aizawl dawr te a lo ngai a, chunglaih V/C member te pachhe tak tak te kan lo ni bawken hetiang ngawt hi chuanin V/C member nih kan thin dawn love, hlawh tisang turin sorkar i nawrang, kan han ti a. Chumi kalzelah tunah hian sorkarin thitlem inrawt tih hi a lang a, engpawh nisela, Speaker, vawinniah hianin kan amendment tur hi seat 3, 4, 5, 6 la ni rih phawt ta ang sela, a thei anih chuan he sorkar hianin a tam lam hianin amendment hi siam dan a ngaihtuah leh thei lawm ni, tih kha kan ngen duh a.

V/C hi tihur tam tak a awm a, tunlai khawvelah pheh hi chuan sorkar leh department hrang hrangin an agency pawimawh berah an lo hman tawh tak siah chuanin V/C hi kan thuam tha zel tur a ni ang a, theih a nih chuan hlawh te pawh tun mai nilo hian kan tipung chho zel tur a ni ang a.

Tin, Village Council member te pawh hi ahman azawngin chuh lova, khawchhungah mi tak tak, mi rinawm, mi taima, mi hlemble lo, theih pheh chu nisela chuan educated ngei te pawh hian la chuh chhoin la ni zel se, tih hi sorkar rilruah hianin awm sela a thain ka ring a. Tun tum V/C inthlanah pawh khanin khaw thenkhatah chuanin kan M.C.S. Officer pension te pawh khan an chuh a ni a. Tin, lehkhathiam tam tak pawh khanin an chuh chho a, an interest zel, chuvangin khawtlang enkawlnaah hianin tihur tam tak a awm a. Tunlaih a bik takin ruihlo ah te leh khawtlang leh ram ina hma a sawn mek lai hianin sualna pawh a lo punlun chho zel avang hianin sorkar leh he sorkarin a agency pawimawh ber Village Council member te in han thitlem ngawt hi chu inngaihtuah fuh lo deuh emaw ni aw, ka ti a. V/C ang leh JAC ang a han duty hian zan dar 12 te, zing dar 1, dar 2 te han thlen zak zak hi chuanin sorkarin V/C member an thitlem tur hi chu a tha lo tih hi sawi vek a ni. Mizoram chhunga Village Council member zawng zawng hi zawt ula, thitlem hi tha ti pakhatmah an awm ka ring lo. Chuvangin, he amendment kan siam tura hi Pu Speaker, reilote chhung atan hman a ni ang, tih tal hian tawngkam hi he House hi min tiam thei angem aw, tih kha ka rilruah a awm a, a hminga hotute hnung V/C member nih kan lo zuinaah hianin a tam lam hi thahnem hi a ngaihawm khawpin ka hria a, sawi ang khan zan dar 12, zing dar 1 han thlen hi chuan V.C member pathum lek nih ai chuan V/C member 12 lai, 9 emaw 11 emaw te nih kha chuanin kan lo inhlimechhuah a, thiltih pawh kha alo phurawm zawk fo thin dawn a ni.

Pu Speaker, a tawp ber atan chuan he amendment hi a tha lo ka ti a ni lova, amaherawhchu, a tlem lama kan kal rih anih chuanin han pass pui che u hi harsa rih deuh tih thu kha kan sawi ve duh a ni e, ka lawm e.

S P E A K E R

Awle, a lawmawm e, minute 2 chauh a awm tawh a, chawhma kan thutkhawm hun kan duh tawk tawh ang a, chawhnu dar 2 ah kan chhonzawm leh dawn nia.

Afternoon.

**S P E A K E R** : Awle, kan business kan chhonzawm ang a, Pu Lalhmingthanga i sawm hmasa ber ang.

**PU LALHMINGTHANGA** : Pu Speaker, ka lawm e. Hei vawiina kan Bill ngaihtuah tur hi urhsun deuha point 2/3 han sawi tur ka nei a. Village Council dan hi dan tha tak mipuite tana him tak a nih a tul a. Dan tha lo hian ram rorelna a ti khawlo thin a. Chu rorelna hnuaiah chuan mipuiin harsatna kan tawh thin a. Kan Village Council dan hi a rei tawh a, a luming atang hrim hrim pawh hian "The Lushai Hills District (Village Councils)(Amendmend) Bill, 2006" a ni a. Hei hi 1953- a siam daih tawh a hming hrim hrim pawh hian Mizoram in kan put tawh ngai reng reng loh Lushai Hills District tih Museum a dah tlak ang hiala hlui a ni tawh a. Democracy ah khan a mei zung khawka mipui min hre hnaitu ber hi kan zuk belhchian chuan mumal taka tunlai khawvel kalchho zel leh kan nunphung mila siam chhoh hi a ngai tawh nghe nghe a. Chutih laiah tuna amendment han ti si a, member awmsa tur tihhniamna ringawt rawn putluh leh ordinance hiala zuk tih hi kan ram dinhmun leh mipuite ngaihdan nen a inmil tawh lo hrim hrim a ni. Chuvangin, hetiang mai nilo hian a pumpui a, review-a ruling party chauh nilovin Consultative Committee aia la famkim mah hi Ruling Party te hian siamchhuak selang ngaihdan thawh tlang theuh ila, chumi zulzui chuan amend law law ila, kan ramah hian rorelna tha bul intanna tur anih ka ring flat a.

Chuvang chuan, kan Minister zahawm takin thiam taka House a rawn ngenna te leh engemaw hun chep avanga siamthat hman loh thu a sawi kha a zahawmin a ngaihpawimawh awin hle lain helaia awmkhawm hi Mizoram mipuite aiawha awmkhawm kan nih avangin ngaihtuahna ril zawk hmangin hei hi. rawn review thei sela duhawm ka ti a.

Tin, a pahnihaah chuan India ram inawp dan hrim hrim pawh hi 1980 atang khan nasa taka tihdanglam chhoh a ni a. Khatah khan Rural Reconstruction Ministry te Central sorkarin a rawn siam a. Ram hmasawmna tur atana sum lo kal reng reng hi local self government hnenah decentralization sub-power dungzuiin mipuite mamawh ang chiaa a, a zung khawka hman theihna dan tur central pawhin a siam tam telh telh a. Tunhna a Community Development ah thlak chhoin mipui chawikanna tur hi Central-in a ruahman nasa em em a. Finance Commission hrang hrang ten hna an rawn thawh dan kan en pawhin sum leh pai tam tak an rawn pek tak hi, hemi Village levela local self government hnuaihnung ber atanga mipui ten direct-a central atanga chanvo an neih theihna tur hi crore engemaw zat hi an rawn pe tel ziah thin a ni. Kan ramah pawh hian min dalu lian tak chu hemi Village Council dan hlui tak mai chumiin a huam ve tel theih siloh Fund documentation pawh rawn siam dawn ta selangin a lo dawngsawngtu tur village level a kan nei thei lo hian harsatna tam tak practical pawhin min pe a ni a. Chutiang ang dawng zo law law tur chuan India Constitution Article 243 nain asawi ang khan Panchayati Raj tih te ramdanga an siam tawh chutiang ang statutory body tha tak mai chu tuna kan Village Council aia powerful zawk leh mipuite tana tha tur hi siamchhuah a hun takzet tawh a.

Chuvang chuan, vawiinah hian he amendment kan ngaihtuah rual hian kan ngen duh leh kan sorkar pawhin ngaihtuah selang ka duh a. Hei hi min pass pui mai lo hian up tha leh rih zawk selangin kimchang zawka he dan hi kan ram mipui phurchhuak tak tak tur leh Central sorkar kallhmanng tawh tunah hian khawpui development mai ni tawh lova, thingtlang kilkhawr ber leh mirethei ber pawhin central budget te pawh anmahni tapchhakah a zar an lo zo theih a, anmahni ngaihtuahna dungzui ngeia thil a kal theihna tur kawng hi hawn a tul tawh niin a lang a. Chuvang chuanin he amendment tuna an han ruahmanna seat tihlem ang zawnga kal lo hian a dinhmun chhe zawk leh par tur zawka kan village administration kan siam chhoh zawk hi a tul takzetin a lang a. Chuvangin vawiina kan Amendment Bill hi keini legislation party chuan kan support thei dawn lova, a move tu te leh a sorkar a zahawm ti mah ilangin Zoram mipui mamawh a funkim tlat loh avang hian khati zawng khanin kan thlir dan a ni a.

Tin, a dawt lehah chuan hemi Village Council Dan kan siama hi kawngtinrenga siamthat ngai a ni leh ta ani. Pakhatnaah chuan avoting system kan sawi vetteia kha corruption practice nan a awlsam em em mai a, hei hi siamthat ngai ngawih ngawih ani a. Member zahawm tak tena an sawilan tawh leh tukina ka zawhna Supplementary a ka sawi lan tawh ang khan Subordinate Legislative pawh khanin Committee pawh khan hetah hian a voting pathumna hi hetia ah chhuah theih leh hralh theih ni tawh lovin R.D. ina a hmuh lai ngei a, vote thlak turin. Tin, ballot paper pawh hi candidate zawng zawngin hmun khatah neiin tiang hian siamthat rise tih kha recommend tawh a ni a. Khalai kha siam that ngai a ni a. Chung chu huam tel selangin.

Tin, chumi piah lamah pawh chuan hei thil tisualtute zuk hremna pawh hi a dan hian a keng nep em em mai a. Eng ang pawhin min in wrong indulgence ti mai ilangin vote lo hralhin emaw engpawh lo ti selangin rigging pawh lo ti selangin a dana hi kan zuk enin a Act ah leh a supporting rules ah khan Rs. 50/- chawitir theihna piah lamah inhrem theihna pawh hi a awm lo hrim hrim mai a ni. Chutiang chuanin a penalty lam emaw, tin, a model code of conduct emaw a ken ho tunlai khawvel mila kal laia hi a awm tawh lova. A hminga pawh a hlui a, a dana pawh a hlui a. A chhunga thu awma pawh hi a hlui a. Chuvangin a hmantlak loh fai deuh vek hi ani tawh mai a. Hetiang ang taka dan tha lo (bad law) mipui vantlang rorelnaah hian kan neih si avang hian Zoram mipui hian harsatna tam tak kan tawk ta a ni. Tichuan, Ruling Party hrang hrang hianin, a tuamah inti bik chuang lovin kha lai kha remchanga la a, mahni party tilala, mahni party ni lo hrekna atana hman a awlsam ta em em a, chu thlemnaah chuanin Ministry rawn ding tawh tinreng hi a tlu thin ni hianin alang a. Chu chu mipuite hian an hrechiang em em mai a ni. Tichuan Dan tha a pawimawhna chu rorelna tha leh mitin chungah justice tih a nih theihna tur khan danin sorkar pawh chu a phuar ang a, a duh anga thil ti mai mai thei lovin a phuar tur a ni. Chutiang chu he dan hian a ken tel tlat loh avang hian rorelnaa sorkarna neitu apiangin remchanna lain he dana hi duh zawng zawnga kawih thleh theih angin hman a ni thin a, chuan hei State puitling kan nih hnua rorelnaah te pawh hian thuneihna a lo sang a, kha tah kha chuanin a rorelna chang lo lam chu thingtlangah leh khawpuiah pawh hian beh tlawk tlawkna a keng ta a. Kha democracy a bulthuta mi pawh kha palzut vekin a awm thin ta ani. Chuvang chuanin chung harsatna kan tawh lai mek atanga mipui chhan chhuak turin dan tha famkim kan mamawh ta a. Chuvangin a pumpui hian siamtlat angai a. Tin, hun lo kal chho zel hianin justice hi mipui ten kan mamawhna

a hring chhuak tam tial tial a, chutiang ang karah chuan V/C dan dinglai hi chuan mipui min hum zo lova, thlemna a tam reng reng hian khami thlemna ah khan tluk a awl em em a ni. Democracy ah chuan sorkarna a inchhawk reng ang he House ah pawh hian vei lam ani dinglama thut chang a lo awm a, khatiang angah khan dinglama kan thutin kan sawisel a kan theihngihl a. Chutiang ang chuan kan ram hi min nuai mek a ni. Chuvang chuan he dan pawimawh tak mai hi kan ngennaah chuan Amendment hi hei aia chipchiar daih leh Zoram in kan mamawh ang ngei a siamchhuah a ngai a ni. Financial economy ringawt ngaihtuah lo hian a pumpuiaah all round justified a awm theihna tur atan kan sorkar hian hnuk kir leh sela comprehensive tak takin All Party Committee te siamin lungruah takin kan pass thei ang tih hi kan thlir dan a ni a. Tuna anihna ang hi chuan kan support thei lo a ni. Ka lawm e.

PU R. LALZIRLIANA

Pu Speaker, vawinnia kan Bill chai mek hi sawi tham a awmin ka hria a. A hmasain kan Minister hi avanduain ka hria a, hman ah khan Fisheries Bill tenghneng zet mai

a rawn pulut tawh a, helaiah hian kan hnawl sak tawh a. Hetiang ang Bill arawn pulut leh hi a vanduaithlak ka ti viau a. Law Court ah min khing ta sela PIL emaw thelut sela he Bill hi a tla ngei ngei ang tih ka ring a, a chhan chu sorkarin mipuite chung a hleih neihna rorel nasa dan a rawn siam hi Democracy ramah a thiang lo hrim hrim a ni. Chuvang chuan a vanduaithlak a ni. Synod rorel ang deuh a kan kalphung pangngai kha tha kan ti tih ang deuha kan Minister-in a rawn sawi kha avanduai thlak hle mai bawk a, a chhan chu Synod rorel te chu rawtna thar a lo awm a, chu ai chuan kalphung pangngai ang khan i kal leh zawk ang u kan ti thin a ni.

Amaherawhchu, he danah hian kalphung pangngai kan la nei lo a ni, dan thar anih avangin, tun hmam number kawpkim te chu kan lo nei tawh thin a, mahse indraw-na a lo awm a nih chuan nominated seat kan nei tawh thin a ni. Chu chuan in draw theih lohna tur khan sorkarin nominate a member a rawn dah thin a, a rawn tifel vek thin a ni. Vawinnah chuan nominated seat a awm tawh bawk si lova chuvangin sorkar lal hrawtna tur atan he dan hi siam a ni. MNF sorkar atang hian a pung lam aiin a tlem lam hlira kan kal a hi keini mipui duh dan tur a ni ang em tih hi zawhna a awm thei a ni. Chuan 1986-87 ah State ah kan lo kai chhova. Tahchuan, constitution-ah 60 aia tlem lo MLA member te chu anni tur a ni tih ziak awmsa reng kha 40 ah Constition amendment ngai khawpin Mizo fate chu min rawn tihnam ta phawt a. Vawinniah hian member 330 ngawt paih khawpin Village Council Member te min han tihnam leh ta te hi Zoram mipui tan ngaihthiam a har hlein kei chuan ka hria. Tiang chuan tunah khan V/C indraw-na kha 94 a awm a, khua 94 rorel thei miah lovin vawinniah hian kan han siam ta ani a. Hemi a mawhphurtu chu tunge ni kan tih chuan he dan siamtu te hi an ni lo thei lo a ni tih hi alang Chiang a. Tichuan, number kawpkim lo tih pawh khan indraw -na te chu tam tak a awm a lawm an tih pawhin kha indraw na kha chu sorkar inrawlh lovin khalai khua a Political Party te khan anmahni thuin an inching fel thei thin a ni. Chuta inchingfel thei lo chu pathum chiah an ni tih nichinah kan Minister zahawm tak ka zawhnaah khan min rawn chhang a ni. Chuvangin, kha khan buaina a siam phak lo reng reng niin ka hria a.

Vawiinnia hetiang ang dan tha zawk awm a dan chhe zawk a amendment han siam hi chu atih chi lohin ka hria a. Chuta tan chuan Pu Dy. Speaker, I veilama thu te hi sorkar kan nih hun tur Village Council thlan lo awm leh hmasa berah hi chuan he dan hi vawiinnia ban tam lama min pass luh pui anih pawhin hei chu kan thiat leh nghal dawn a ni tih hi ka sawitlang duh nghal bawk a. Tin, hetiang indraw theihna dan han siam ngawt mai hi enge ni a tum ? Pakhatna atan chuanin, Sorkar dan atanga mipuite nekchep tumna a ni. Sorkar dan ni ve si, chuta tanga mipuite nek chep tumna chu a ni.

Pahnihnaah chuan, mipui thlan te chungga invilik theihna dan vawiinniah hian kan siam dawn a ni. Hei hi a pawm zam theih loh reng reng a ni. Rorellu dik takte tan chuan.

Pathunna atan chuan, inpawng lak tumna hmanrua. Vawiinniah hian ruling party hetah an lo indraw ta a. In pawnglakna, invauna avanga sorkar neih bell tumna a ni tih hi alang chiang em em a ni.

Palinaah chuanin democracy palzuta thuneitute insiam tumna anih avangin a pawm theih loh reng reng niin ka hria a. Sorkarin V/C a hmang tangkai em em a. Vawiinniah te pheh chuan Law and order te, Zu leh drugs leh engkim mai tih nan hian kan hmang tawh a ni. Kan sorkarin total prohibition a siam a. Amaherawhchu, a fail thak a. Chutiang bawhzui tur chuan V/C te an pawimawh em em. Zu dap leh drugs chungchangah pawh V/C te an pawimawh lawr lak a ni. Amaherawhchu, vawiinniah hian engvangin nge V/C te kan tih tlem tak kan ti a. Hlawh an rawn duh tam si a kan ti. Hetiang anga kan mipui te, V/C te kan zu beng hi a vanduaithlak ka ti a. Mipui hmuhsitna, mipui thlan te hmuhsitna ani tih hi ka ngaihdan a ni a. Za ah za in hlawh chu kan tipung a lawm an ti a. A leh lamah mipui, mi rethei mangang zawk te zu hrut tur chuan za ah 2600 te in Revenue tax te chu kan tipung ang lawi si a. Chuvangin, V/C te hlawhah hian chhuan tur a awm lo a ni tih hi kan hmuh dan a ni. Chuvangin, Pu Dy. Speaker, vawiinnia kan dan amendment siam tum dan hi mipuite rahbehna, mipuite nekchepna, democracy palzutna anih avangin, he dan hi chu pass chi a ni lo tih hi ka hma a mipui ngaihtuah tak tak member te kha chuan an rawn sawi dan vek a ni tih kha i hrechiang em em a ni. Tun inthlanah khan kan sawi tawh a. Ka bial chlunga sum a len nasat zia leh MNF hotuten MNF Unit ah Rs. 10,000/- an pe vek a. Khaw te deuh chu Rs. 8,000/- te an pe tih kha Pu Thlenga'n khatiang ang kha min rawn support pah niin inquiry committee din nise tih te a rawn rawt kha lawmawm ka ti em em a. Kan Minister pawh hian enzui niin inquiry commission din a phal kha lawmawm ka ti a ni.

Tin, heng hi han chhut chhuak ngei ula, Committee dinin an zawh turte pawh kha, ka lo hrilh ang, an lehkha pawh tunah hian ka kawl reng a ni. Chuvangin Pu Speaker, inthlanna hrim hrimah rallhuam chelek te, sum leh paia in lei flin chin te, chutiang ang kan rikukna atang hian mipui ngaihdan leh duhdanah chuan kan tla tawh a ni tih hi he sorkar hian a hriat chian a tul hlein ka hria.

Tin, vote thlak dan system ah pawh Aizawl khawpui chhungah pawh kan hria a. Bawngkawnah te chuan mi engemawzat an man a, chungte chuan number in ang lo, ka va kal lai pawh hei hian pasarih a rawn keng chhuak a, chung chu a thiante bawma a thlak tur a ni tih R.O. ten min lo hrilh a, a number pawh min hmuh tir ngei a ni. Chutiang ang in lei chu V.C. kan vote danah hian a tam lutuk a, chuvangin kan Subordinate Legislature Committee pawh dan tha tak an rawn zam ni ngei tur a ni, kha kha ka lo la hmuh chiah lova, rawtna te pawh han siam ve ka duh a, heng V/C thlanah hian MLA thlan ang bawh hian mi pakhatin vote khat chauh nei sela, village council pakhat ah council member pathum an awm chuan bial thumah khan rin ve mai ila, chutah bial thumah chuan bial tinah pathum kha in candidate tho sela, tah chuan a area kan siam ang a, a vote tute pawh kha a hrang hlak kan siam ang, chutah chuan MLA te he House-a kan thukhawm ang hian an vote tlinte chu House khatah Council khatah khan an thukhawm ve leh mai dawn a ni. Chutiang ang chuan vote in leina te a awm tawh lo ang a, mi pakhatin vote khat chiah kan nei dawn a ni. Tahchuan R.O. te hmuh laiin a thlak a nga, a akchhuak tur emaw, tun emaw a lo lei tur kha aawm tawh dawn lo a ni. Nichinah pawh ka sawi, ka bialah chuan Rs. 500/-/200 ten an lei a, mi pakhat Congress candidate Pu Rochhara vote tur chu MNF worker ten Rs. 200/- in an lo lei a, Rochhara kha an chhungte a ni a, a vote ta tho a, Congress candidate dang chu a vote loh phah ta tih a sawi a ni. Chutiang chuan V/C thlanah ringawt inleina hi a tam lutuk tawh a ni. Hetiang ang kan kal pelhna atang chuan Pu Dy. Speaker, vawiiu niah kan dan hmanlai amendment han siam tum ringawt te hi chu tih chi a ni lo brim hrim a ni, tih hi kan sawi duh a ni. Ka lawm e.

PU LALTHLENGLIANA

: Pu Dy. Speaker, ka lawm e. Vawiiinnia Amendment kan han khel a hi a tul hlein ka hria a. Sorkar kal tawh zawng zawng term khat lo sorkar tawhte khan V/C

chungchang hi ngaihtuahna an nei ngai lo em mawni chu le? tih turin a ngai rengin kan kal a, kum 43 lai V/C kan lo nei ta a ni. Chutiang dinhmuna kan din lai pawh chuan Pu Dy. Speaker, i veilama thute hian an ngaihtuah lai kan hre ngai lova, kha dan hlui vawiiinniah tenghneng an tih kha kan hmang chho zar zar a, an duh ang angin tlemte an tlin pawhin nominated seat in sorkar V/C tam tak an insiam thin a, an inti sorkar thin a ni. Chu chu tha lovin kan sorkar hian a hria a, nominated seat pawh kan han paih ta hial a ni a, vawiiinniah kha nominated seat-a kha la paih loh ni ta sela, vawiiinnia village 94 ah khan kan sorkar vek mai tur a ni a, tha kan duh lutuk avangin kan malchungah sa kan chan ta emaw ni le ka ti rum rum a ni, heng avang pawh hian lawm a kut beng tur annih lai hian engatinge vawiiinniah ni 15 chhungin in in form thei tur a ni ti a, aw dam tak tumah vau lova kan tih kan tih nachhante hi engyangnge kan tih chuan democracy hi lal ber sela kan duh a ni. Hei hi a tul a ni, chak lo chung a Ruling Party in nominated seat a duh duh a pe a, a sorkar mai theihna dan a kha tha inti hleuh hleuh a, kha leh chen kha kum tam tak in lo vawng a ni.

Pu Dy. Speaker, i veilam a mite sorkar lai khan khatiang kha a ni a, keini erawh chuan chu chu a tha love, a Democracy love tiin Nominated seat kan han paih a, vawiiinniah drawn village 94/90 bawr vel lai a lo awm ta hi awm miah lova sorkarna siam hmiah hmiah mai thei kan nih laiin chu pawh chu kan ti lo a ni a. A V/C ordinance anga hetia an kalchho



Governor-ina a rawn tih ang hian inthlan dawnin tumah a number thuaah lungawi loh thu sawi a awm lo. Lawm takin V/C kha kan inthlang vek a. A dik takin kan Leader te, Opposition Leader te bial nil thak khawpa an lo chhiat tak avangin phunnawina an zawng a ni. Pu Zira pawh khaw khatah kan MLA kha a chak ve hram a ni a. Chuvangin, pawisa pawh kha a sawia kha a dik tak chuan helaja MLA te hian kan bialah siki pawh kan sem lo tih hi kan Chiang a. Khilaja Opposition biala khati zat sem a lo ni bik kha chhui tlak a ni reng a ni. Amah pawh tel sela. A pitar lehkhathawn hmuhte pawh kha hriat ve pawh a chakawm a. Thilmak deuh deuh hi .. chuvangin, khatih lai hun Congress sorkar lai han ti ila, khatah pawh khan khaw tam tak seat tihlem te a awm ve tho. Entirnan, Chhinga Vengah pawh 1994 ah 8, 1997 ah 5 in intithla a ni. MNF a lo sorkar khan 9 ah a lut chho a, tumah hian 6 ah tihthlak leh a ni. Tihlem pawh in nei ve tho.

Tin, khulama kan pute intawm ngein helai kan Minister te pawh min tihlem sak a. Minister nihte a chakawm tehlu nen. Mipui duhdan pawh a ni a, tam deuh a kha. Hengte pawh min tihlem sak vek a ni. A tlem zawngin engkimah an kal a, MP ni sela, Session apiangin MP tam atul tawh ziata, a population increase a lo nasatzia te an sawi chamchi a, chupawh chu a ngaiin min la kalpui zel a ni. Chutiang chu a ni a, helajiah hian he lai House kalphunga hi kan hre tlangpui vek a. Hetia ordinance ah lo kalflang tawh anihah chuan tun session ah hian pass lo ila, kha kan inthlanna kha thla 6 chhungin a thi dawn a ni. Chuvangin, hei hi chu kan pass phawt ang a. Hetia a rokhawh zawnga innek lo hian he Bill hi lungruat takin pass ila. Inthlan dawnah ngaihtuahna innei thar tha bawk a. Kha kha sawikhawmin funkhawmin V/C dan tha, inthlanna tha, kan la duang tlang ang chu mawle. Kan la dam ang a. In ngaihtuahnate pawh Chiang zawkin lo hmang ula a that ka ring. Tunah chuan House kalphung kan nei a. Kan V/C heti zozai kan thlante hi tihchhiat luattuk avanga a chhiat lehzeln tur, a tawp ral rakna tura ngaihtuah kha chu mipui khawngaihna aneih loh thlak lutuk a. Kan V/C khawtina mite hetiang kan tih chuan thla 6 hnuah kut lukhumin an awm vek dawn tih hi a Chiang a. Chuvangin ram tana ngaihtuahna hmang leh Zokhaw lamte khawngaih awm taka rawn langte hian inngaihtuahna hmang tha ve deuh ula a lawmawm ngawt ang. Kan LAD Minister ina bill a putluh hi pass tlang ila. Kha kha kan sawi ve duh a ni.

#### PU LALDUIHOMA

Pu Dy. Speaker, vawiina Bill neitu kan Minister hian he House ah hian Bill tha tak a pulut tawh thin a. Hlim tlang takin kan lo pass pui tawh thin a. Tun tum hi chu a lunglen thlak dawn riavin ka hria a. A pawl ka ti khawp mai. Bill han en hian Lushai Hills District (Village Council) (Amendment) Bill a ni a. A hming ringawt han thir hi chuan kan Village Council Act hlui lutuk tawh hi tha deuh main siam thain an pulut dawn a ni awm mange tih theih a ni a. Mahse, kan han enchiang a, themlem deuh mai, a seat tih tlemna ringawt, tlar li chauh daih, amendment themlem lutuk a lo ni chauh mai a. Chu chu hmanhmawh em emin Session pawh ngak zo lovin ordinance-a tih a ni lehngal a. Pu Deputy Speaker, Ordinance hi ka hriatthiam ve danah chuan Session thlen hmaa loh theih lohna avanga thiltih tul si, tih lova mipui tana pawl thei tur si, session a lo thlen hunah pawh min pass pui ngei tho vang tih ang chi thil hmanhmawh thlakah chauh

hian an ti thin nitein ka lo hria a. Hemi seat han tihlem hi tuna V/C election kan neih zawh tak khaltha hman theih tura tih heti tak maia kan sorkarin hmanhmawh thlak an han ti ta mai hi a mak hle mai. A siamthat ngai dang zawng zawng a hmanhmawh si lo leh rawn pulut si lova an tih hi an tihna ehhan an rilru/motive hi a dik lova. A motive hi a chhia ka ti a. Chuvangin keini Zoram Nationalist Party Legislature Party chuan he bill hi kan pass pui dawn lova. A pass lai pawh hian awm kan duh dawn lo a ni. Tha kan ti lo. Hetianga thil hmanhmawh thlak anihna pawh kan hre hek lo. A 'aia tha chu nise engpawh nise kan pawm tho ang. Mahse, a that lohna hi a tam em em a ni.

Tukin zing ngeiah pawh khan Hmunpui atangin min rawn phone a. Member pali awmna ni a. Pahnih ve vein MNF leh MNF lo thlinna a ni. An han in form dawn a, MNF lam khan VCP an hauh a. A dang pakhat khan Vice President leh Treasurer nih a kawp ang an ti a ni. Chubakah V/C Secretary an nei bawh anga an ti a ni. Chutiang chuan an thehlut ringawt mai a. Pahnih dangin a chanvein an pawm lo a ni. Kei chuan "In duh angin in form ve ula, thehlut ve rawh u", ka lo ti a ni. Khatianga thil a lo nih khan wawiinnia zawhbelhna ka zawh chiah kha inzaw tawh rorel thei lo a lo nih khan a lehlam te kha ro an rel luih tir ang em? An form lui ang em? Nge an dissolve ang tih kha ka zawh kha a ni chiah reng a ni. Chutiang anga a tam zawk nilo chung pawha ruling party thiltih theihna hmanga sorkar siam zawh lohna khua pawha sorkarna pawngsuala neih hram tumna rilru bawihhlawh tak atanga amendment bill hi alokal a ni tih hi a chiang ngawih ngawih. Chu chuan tun tum kan inthlan hi hmakhalth ngeise tih hi an hmanhmawhna ehhan a ni tih pawh a chiang a. Hei hi a thianghlam lo em em a ni.

Chuvangin hetiang dan tawp tak hi awm reng tlak pawh a ni lova, siamthat theihna, thuneihna chang dinhmunah kan awm ve ngai anih chuan arang thei ang berin hei hi chu kan paih leh dawn tho, chu chu wawiinniah hian ka sawi duh a ni.

Pu Deputy Speaker, tuninah khan kan Speaker zahawm takin tan hmam Bible a chhiar chhuak a. Dan rangkachak achhiar chhuak a. "Miin i chung a an tiha i duh tur ang bawkin mi chungah pawh tve rawh" tih Pathian thu a chhiar chhuak a ni. Wawiinnia amendment bill hi a rawn pulutatu hian ruling an nih laia hman atana an duh em em hi opposition an nih hunah chuan an duh dawn lo tih ka chiang khawp mai. Hnawk an ti khawp ang. Wawiina an duh nakina an duh leh loh tur ang chi he House-ah hian i dah lut i dah lut loving u. Kan politics hi i titawp loving u. Party thinlung tha lo kan put mai avanga kan ram dan leh hrai lo ting tur kan duan mek hi i tikhaw lo suh ang u. Hetah hian rilru puitling pu turin ka sawm duh tak tak a ni. Sulhnu chhia an hnutchhiah dawnin ka hre tlak a ni. Khawvelah mihring kan pung zel a chuvangin thlan member te reng reng hi MLA an ni emaw MP an ni emaw a tlem zawngin a kal ngai lo, a pung zawng zelin a kal a ni tih kan hria ani. Hei, a ehhan a rawn ziahah hian sum leh pai renchem vang tih an rawn ziak a. Nichinah Khawzawl bialtu zahawm tak khan a hlui a Khawzawla V/C member 11 ni thin kha a tharah 20 aia tam a ni reng si tih a rawn sawi tawh a. Sum leh pai renchem vang nise V/C member tam tak siam belhin V/C an then darh teuh bawh si a. Chuvangin, an rawn putluh ehhan hrim hrim pawh hi a logical miah lova, pawm tlak a nilo hrim hrim a ni. Thil an ti dawn a nih chuan tih tur pawimawh zawk leh tul zawk a tam

khawp mai. Lunglei 'S' bialtu Pu Hminga khan huaisen takin tunah khan a rawn sawi a. He Village Council Act kan neih lai hi a that loh avang leh Ruling Party dinglai tana mahni duh dana duh loh zawngte dissolve-a duhzawngte tundin nan hmanrua a a remchan avangin sorkar lokal tawhte pawh khan he thlemna hi kan pumpelh hlei thei lo a ni tia amah pawh inhmer tel ngama a rawn sawi kha aropui ka ti khawp mai. Chuti a nih a hnu, Pu Dy. Speaker, chutiang dan chhia chu i siamtha ang u hmiang, rawn pulut sela engahnge kan sawisel ang? Chuti nilova, a aia chhe leh zuala vawiinniah khaw 94 vel a tling lo chung a sorkarna an lak luih hram theih dan tur, 'hei hi in pawm loh chuan kan dissolve dawn che u' an ti ang a, dissolve em ai chuan atlingte hi kan party-ah an lo lut mai anga tia remchang insiam sak tuma he House-a an rawn sawi hi a zahthlak a ni. Roreltu thilung dik tak a ni lo hei hi. An interest hi a te lutuk. Hetiang hi kan vengah te pawh an ti mek, i kian mai ang u, kan ti tawp, chuti a nih loh chuan kan inchuh ang a, dissolve nih ringawt chu kan duh lo a ni. Mipui tihbuai kan duh lo. Chuvangin he Village Council Act hi siamthat ngai zawk chu a ni.

Tun tum inthlanah khan work order tam tak V/C ten an dawng a ni. Kan zavain kan hria, zep thu a awm lo. Kan veng Chawlhmunah ngei pawh work order engemawzat an rawn hum hawng a, V/C leh MNF Partyin, chung mite hnen atang chuan 10% an cut hmak hmak zel a ni, V/C inthlanna tur atan tiin. Chutiang angte chu a ni a. Chutiang dante chu tihreh a pawimawh em em. Tin, V/C in work order an dawn tam tak hi Party-in an chhuhsaka an thawk mawp mawp a ni. Mipui inhlawhfakna tur te, Assets siamna tur te ni si kha Party-in ruaitheh nan te an hmang a, chutiang dan theihna dan thate chu kan mamawh ngawih ngawih zawk a ni lawm ni? Tunah hian Zoram hi thlir rawh u, Ruling Party V/C na apiangah corruption a pung ang. Hlahu an nei lo, hek mah ila mun dissolve dawn lo tih an hriat avangin mipui ipite a lut tur hi an ching chhe nasa em em a, Opposition V/C-na apiangah an fimkhur a, an thawk tha zawk vek a ni. Chutiang te chu tunah hian dan ngai ngawih ngawih a ni zawk a. Election Rules tha kan mamawh kan ti a. Session hmasaah khan V/C Election Rules kan rawn pulut dawn an ti a, BAC pawhin programme-ah kan khung thlap a, an rawn peih ta lova. Department hian session hmasaa putluh hman tura peih tawh Programme-ah pawh kan lo ruahman tawh sa kha vawiinniah pawh an la rawn peih lova, helai an thil them hlem te thalo zet mai Ordinance hmanga hmanhmawh zeta an rawn ti leh si hi an ngaih pawimawh zawng hi a va mak ve mawle. Ram tana tul zawkte ngai pawimawh si lovin hetiang hian an rawn ti ta a ni a.

Chuvangin corruption practice hi a la nasa em em a, tun inthlanah khan he Election dan thar hi la hmang hman lo ila, vote te hi la lei theih se tih thlahlelin an rawn ti duh lo tih hi a chiang em em a ni. Miin vote 100 vel a lo lei a, a ma bawma tla tur chin chiah a la a, a dangte a paih thin. Electoral roll atanga ballot paper pekchhuah zat leh a tla zat za tel tela a inthlauhna chhan hi miin an lei sa an thiante bawma an thlak duh loh an paih leh halral mai mai a tam thin vang a ni. Chungte chu kan hre hlei hui a, engatinge hengte hi an vei loh aw? He dan chhia hi a kal zel chuan Ruling Party apiangte hi an insum zo lo ang a, thlemnaah bawk an lut leh ang. Mihring aiin system tha a pawimawh, kan ram siam tha tur hian system tha, Dan tha a pawimawh. Chuvangin kalphung thar, system thar kan sawi thin a ni. Chumi chu rawn ngai pawimawh sela chuan 100% in kan pawmpui em em ang. Hei hi a pawimawh em em.

Pu Dy. Speaker, hei hi a awm loh vangin, ka hriat chinah Mizorama kan hruiatu lawk ber Chief Minister ina V/C thlan dawn a mipuite a vau hi tunah chiah khan ka la hria, a zahthlak a ni. "Ruling V/C inthlan thin loh chuan Development indawng lovang, Em mawng pawpa thlak ang a ni ang," a han ti te kha kan Chief Minister meuh sawi atan chuan a mawi em? Chuti anih chuan heti zawng hian iti mai ang tia mi tam tak vau zam theih a nei dawn tih kha a chiang em em mai a. Duh vang ni lovin hlauh vanga in vote tir a tam a ni. Heng angte hi atha lo. Chuvangin, intiamna tam tak a awm a. MNF solid-na khuaah chuan cheng nuaithum theuh kan sem ang che u tih angte kha Chief Minister bialah leh Khawbung bialah te ava hluar ve. Heng thil aia pawimawh zawk tih tur tam tak tih hmanhmawh tur zawk a tam em em a ni. Chutiang ni lova hetiang thil tul lo tak tak leh hman dik loh theih an rawn pulut hi khawngaih takin withdraw leh se tiin ka ngen duh a. He House-ah hian a thlawp theih chin leh vote pui theih chin chu Pu Deputy Speaker, kan vote pui fo thin. "A tha lo ang, ti lui suh u," kan tih ngawih ngawih, an ban tam chhuanga min hrut luihna chi reng reng hi tha ka la hre miah lo. Chuvangin kan ram tan hei hi a tha mawlh loving, in withdraw turin ka ngen a ni. Ka lawm e.

PU F. LAL THANZUALA

Pu Speaker, vawiina amendment kan ngaihtuah hi, amendment hrim hrim hi chu a merit emaw demerit emaw hi chu kan dah tha riin ang a. Kan thian then-

khat ten an han duhlo em em hi amak thul-tho ka ti a. V/C pathum, pali, panga, paruk a han ni a, khatianga inthlang tur kan ni tih kha kan hre vek a, khatih lai khan tuna nasa tak taka sawitute hian sorkarin kharni anga inthlan kha a conduct loh nan nasa takin bei ang hmiang, tuna nihnih nithum a ral hnuaa heti vaka sawi leh tur annih chuan a va mak ve. Patling an ni si a, kan ngaihtuah thin a. (Pu R. LALZIRLIANA : Kan sawi kan sawi thin a.) Ngawirawh, Pu Deputy Speaker, (DEPUTY SPEAKER : Han sawi sela, ngaithla phawt ila mawle, ngaithla phawt ang) House-a a sawi theih zawng zawng sawi niawm taka, tikhawp hian, a lungruual te pawh inlungruual ta che u. Tilang ta che u, khatianga thut hmuna sawi mai mai te chu ani thei lo a lawm.

Tin, chulovah kan ngaihtuah a, kan rama Politician senior tak tak kan neihte anni a, a tuk lawka House-a hetia aupui leh tur si engatinge inthlannaah a tel pawh an tel reng reng? Duhlo tak tak nise tel lo mai ang hmiang. An duh a, amaherawhchu, inthlannaah an lo ti chhe ta deuh a. Chumi avang chuan heti hian an ti mai mai a ni. (Member dang ten an lo au buai nuai nuai) Chuvangin min thlangtute duh dan a ni e. Hnahtial bialah va kal ula mipuite va zawt rawh se, min thlangtute duhdan a ni. (DEPUTY SPEAKER : Chair kha Address hram theih nisela a lawmawm khawp ang) Tichuan, kei chu mak ka tih chu, Politician a ngaihte an ni a. Duhlo tak tak chu duhloh tak tak kha lan tir tur a ni a, tuna tih hi chu politics mai niin ka ngai deuh a ni. Tin, chulovah hetiang pahnih number kawpkim a lo awm khan inhneh a ti tam chuang lo. Kum 2002 inthlanah khan V/C form thei lo 108 lai an awm tho. Khati lai khan 3, 5, 7, 9 ang chi khan a kal a ni. Tunah khatianga inkawpkim a lo awm khan 94 V/C form thei rihlo an awm. Chu chu ni 15 a lo thlen hian engemawzat chu an rawn form theih a rinawm. Tin, invauna leh hemi a ruling party sorkarna a khatianga inhneh a lo awm a ngaih ngawtna khan adik tawk lo viauvin ka hria a. Dan a awm a, kharni ni 15 chhunga an tih theih loh chuan inthlan nawn leh te pawh kha la awm thei tur hi a ni a.

Chuvangin khati ringawta han tih kha dik lemin ka hre lova, chulovah kan inthlang tawh a, a thalo tichunga kan lo inthlang anih pawhin kan inthlang tawh a, an tling tawh a, tlingio te pawh an awm a. Khami kan inthlan tawhna dan han tih nilo leh tura vawiinnia hma han lak leh si hi a tul thoin ka hre flat a ni. Hengte chu kan hmu lawk vek awm si a, mifing tak tak kan ni si a, chuvangin vawiinniah hianin hemi a dan, khami dan khan kan inthlang tawh tho tho a, kan inthlan tawhna va verify zawnga step han lak leh ringawt mai pawh hi kei chu a awmin ka hre lem lova, hemi a thu hrim hrim te hi chu kan duh emaw duh lo emaw chu rilruah chuan aawm a. Sawitur pawh tam tak a awm a. Tin, inthlanna a vote thlak dan ken chhuah theih a ni hrim hrim thatloh dan te pawh hi rilruah chuan aawm vek mai.

Amaherawhchu, kha kha kawng dang ani a, tih dawn pawhin kha kha chu tihna hun a la awm a ni. Amaherawhchu, tunah hian kan hmang tawh a, kan inthlang tawh a, khami ti 'nil' zawnga han sawi leh kha chu a dik ka ti thei tawh lo. Chuvangin kan hman tawh hi athua kan la approve lo nimahse, thiltiha kan approve tawh hi vawiinniah hian athuin kan ti mai dawn a ni. Thiltiha kan lantir tawh hi vawiina thu a phatsan leh si hi engtihna nge ni? Chuvang chuanin hei hi chu vawiinniah hian he Bill hi Amendment hi pass lo thei lo kan vai hian kan ni tawh zawk. Kan thiltihin kan lantir tawh a ni, tih hi a ni. Pu Speaker, ka lawm e.

PU LAL THANHAWLA

: Pu Deputy Speaker, vawiina 'The Lushai Hills District Village Council Amendment Bill 2006' hi Treasury Bench lama sawitu thenkhat hian an hre thelh a ni tih tuna rawn ding atang pawh khan a lang khawp mai. Bill hi vawinah hian kan hmu chauh va, kan sawiho chauh a ni. A hmam he Bill hi kan la hmu lo, tih hi MLA te chuan an hriat vek ka ring a. Kan Minister zahawm takin thahnemngain a rawn pulut a, a thahnenungaihna arawn putluhte hi chu a zahawm ka ti a. Amaherawhchu, tuna hemi ang hmang tura ordinance hmanhmawh tak bichilh taka an rawn siam chuk chuk kha erawhchu tul kan ti lova, sawiho theihna hun kan neih hmam, ordinance in min palzut a ni tih hi he House-a member chinte hi chuan an hre turah ka ngai a. Tichuan kha ordinance khan Village Council inthlanah khan min hrut a ni.

Tin, a hmam Subordinate Legislation Committee ah te pawh Pu Dy. Speaker, Party tin member kan ni a, chutah chuan ngaihlan an sawiho tawh thin a. Session hmam lamah pawh khan hetiang bill pangngai Village Council inthlan dan siamthat kha kan lo beisei tawh a, mahselangin a lo kal lova, tichuan tunah hian V/C inthlan a lo awm dawn avangin leh chu V/C inthlanah chuan chak ngei duhna avangin member te lawman tihpunte a tul a, tihpun dawn chuan sumin a daih love tiin a member te hi an hrut hmam ta a, chu chu ordinance in keini ho hi min palzut mai a ni. Chumi chu a ni kan sawia kha, chuvangin sawihona hun hi ala awm lo hrim hrim a ni tih kha member zahawm tak ten an hriat atham ka hria a. Tichuan kan hriat veleh keini chuan Pu Dy. Speaker, kan duhloh zia a tha kan tih lohzia kan sawi nghal a ni. Khaw tam takah inthlan hmaa kan kalnaah pawh mipui vantlang hmaah pawh kan sawi a, khawvelah mihring an pung zel a, Democracy a elected bodies ah institution-ah reng reng chuan a member

te an pung thin a. Vawinah pawh hian District Council te pawhin member tihpun an duh a, an tipung mek zel a. Kan sorkarin chutiang chuan keimahni Assembly member ngei ngeite pawh hi tihpun kan duh a, vawiinniah hian Political appointment pawh hi a nasa tawh a, kan ramah hian V/C pawh kan inchuh nasa a, chuvangin a pung zel tur hi anih lain, hetiang V/C Member nasa taka tihlem hi a dik love, democracy dan pawh a kalh a ni kan ti a, khawvel kalphung a kalh a ni tih hi hmun tinah kan sawi a ni, tuna sawi thar thut kan ni lo.

Tin, a indraw thei, a intluk thei hi a tha kan ti lova, nominated seat a bo ta te hi tha kan ti khawp mai. Hmun tinah kei ka kalnaah chuan ka sawi thin a. A chhan chu a sorkara chu tupawh niselangin, mahni intih sorkarna tur atana chhan dik lo leh tha lo, tenawm em em a ni. Chuvangin MNF sorkarin huaisen taka a tibo te hi tha ka ti a. Tin, tibo lo pawh nise tihbo ngei ngei turah kan ngaihte zing ami a ni. Tichuan, chuti chungin tunah hian engvang tehreng nge, anni pawhin a an lo kalsan tawh, MNF sorkarin an lo tihhar leh te hi ngaihthiam harsa kan tih thu kan sawi mai a ni. 3, 5, 7, 11 anih khan a tha em em a ni. In-draw a awm thei anih pawhin Village Councils 500 chuangah hian 4, 5 bakah indraw a awm ngai lo. Tin, a siam remte pawh a awl zawk tuna indraw te ai chuan experience hi kan hmu tawh a ni. Chuvangin, hei hi tuna sawisel thar thut kan ni lova, tha kan ti lova, a ordinance kan hmuh atang khan a theihna apiangah chuan kan sawi reng a ni. Pu Deputy Speaker, chu chu ani. Chuvangin, hei hi tunah hian a taka amendment bill ah kan hmuh ah hianin ordinance a min palzutna kha, tha kan tih tak lohah khan, kan sawi chhuak mai a ni, tih kha tunah hian chiang takin House hian a hriat a thain ka hria a.

Tichuan, Pu Dy. Speaker, tuna pawimawh ta ber zawka chu heng dan te hi kan siamthat a pawimawh. Nichinah kan ngaihthla tawh a, member zahawm takte atangin, tuna kan kalphungah hi chuan corruption, hlemhletna diklo tam tak, awlai taka tih theih anih avangin tun V/C inthlanah pawh hian corruption a nasa em em a ni, a takin kan hmu a ni. Kan mita kan hmuh te, kan benga kan hriat te hi kan sawi a ni. Tin, a tak a ni tih entirna flem atan chuan Bawngkawn vengah mi 7, 9 lai an man kha. Chuvangin hei hi deny theih a ni lo a ni tih hi chiang ila. Chuvangin a pawimawh zawka chu kan ram kan hnam that na tur atan chuan he dan hi Subordinate Legislation Committee in a lo tih tawh angin siamthat dan kan ngaihtuah tlan hi a tha a ni. Nichinah Lunglei South bialtu zahawm takin Committee tha tak dinin, Party hrang hrang a mite leh mithiam te pawh in dinin hei hi ngun taka bih a ngai a ni kan ti a ni. A chhan chu, "Panchayati Raj system pawh Party tin kan hmang ang, kan ramah pawh" tin, kan puang a. Mahselangin, sorkar chuan hman an tum hnan lem lova, tin, tunah hian mithiamte kan lo pung a, chutianga in awpna tha chu tunah hian a duhtu hi kan tam zel tawh a ni. Rajiv Gandhi'an 'back to the people' tih a inngatin Panchayati Raj systema hi a rawn ngaihtuah chhuak a, chu chu vawinah hian kan duh khawp a. Khatih laiah khan tha takin kan sawi hova, a member ah pawh ka awm a. Nagaland ah leh Mizoramah chuan Mizo nun milah siamthat a ngai kan tih avangin Mizo nun mila siamthat hunah kan hmang ang kan ti a, chumi understanding chuan kan pawm ve nghal mai lo a ni, Nagaland nen.

Chutiang chu tunah hian kan hmang dawn anih pawhin Mizo hnam nun mila siamthat chu a ngai tho tho. Chutiang chuan keini chu kan sorkar hunah kan hmang dawn a ni. 1998 inthlan dawnah pawh khan Party

tin khan manifesto ah an dah ani. Tichuan vawiinniah hian a pawimawh zawka chu khatiang zawnga kan ram hi kan kaihhruai a ngai. Vawiinah Aizawl te pawh City tiin kan puang a, Village engzatinge kan then tak le? Hengte hi kalphung dik a ni thei lo reng reng a. Chuvangin, Municipality emaw kan population-in a phu ang reng reng hi sorkar hian a ngaihtuah a hun tawh a ni. Tichuan, keini pawhin 1998 ah te 2003 ah te pawh kan Manifesto ah kan dah a. Party tam tak te pawhin an dah a. Vawiinah Ruling Party pawhin an dah a. State Election Commission din ilangin Local bodies election reng reng District Council emaw Village Council inthlanna te felfai tak kan neih theihna turin 'Model Code of Conduct' te pawh siam ni selangin tiin chutiang chuan proposal/manifesto kan lo nei vek tawh a ni. Pu Deputy Speaker, chutiang zawng chuan tunah hian kan kal a hun a, vawiina helaia proposal amendment bill lo lut te leh ordinance a min han hrutna te kha chu vawiinah hian Mizo mipui khaw tam takah an lu a hai em em a ni. Tin, nichin lama kan ngaihtlak tawh ang khan tha ti hi an vang khawp mai. Chuvangin, tuna kan phut zawka chu a dan hi abul atangin siamthat ni selangin hetiang hi palzut lo ilangin. Tichuan, mipui pawh an hahdam ang a an luhai lovang. Tin, sorkar tan pawh a luhaitlak loh zawk tih kha kan sawina a ni.

Pu Deputy Speaker, chuvangin, chutiang zawng chuan ngaihtuah nise kan ti a, heng "Election Commission" dinin chumi chuan V/C Election a ni emaw, District Council a ni emaw zahawm zawka nichina anomaly leh practise tha lo tak tak kan sawichhuah takte, khang angte khan he hnam hi a chenchilh reng lohna turin chutiang dan tha chuan inhumhalh ilangin tiin kan hotuten rawtna an rawn siam a kha a pawng a puia kawhmawh bawj vanga hniakalhna a ni lo, thiltha duh vangin Ram leh Hnam ina inngahna tlak duh tlang a ni. Vawiinah hian MLA inthlan chu sawi loh Village Council inthlanah pawh rawngbawltu inti te pawh in Sum leh Pai, Zu leh Sa, Ui thleng a an hmiang duh ta te hi hnam ang pawhin a zahthlak a. Kohhran ang pawhin a zahthlak a ni. Chuvangin, chung ang zawng zawng chu veng thei turin dan mumal tak siam nise tih kha kan rawn dinpui mai a ni.

Tin, tuna ordinance a min han hrut te pawh kha a dik lo hrim hrim a ni tih hi a sawichhuahna hun a ni a, vantlang inkhawmah khaw tam takah sawi mah ilangin vawin hi mipuiin Mizo mipuite hmaah kan duhdan kan sawi theihna awm chhun a nih avangin hemia inhrut hi a historical a ni kan ti a ni. Sawihona awmlo inhriattirna pawh awm lo Mizo mipui teah kan imposed ringawt mai a ni. Chuvangin, Election boy-cott lam pawh a kawk lo, Pu Deputy Speaker, chutiang chu a ni a. Chuvangin, vawiinniah hian keinina kan sawi zawka chu heng kan ngaihtuah rual hian hei aia tha zawk rotling zawk, khang corruption zawng zawng, Ui talh te, sum leh pai hman te, zu leh sa hman te, khang ang zawng zawng veng thei tur khawp khan dan hi kan sorkar hian rawn ngaihtuah thei selangin chutiang chuan kal ilangin tiin kan hotuten an ngaihtuahna chutianga siam a nih chuan vawiinah pawh kan Ram kan Hnam tana tha chu Pu Deputy Speaker, awlai takin kan pass pui mai a ni. Vawin ami hi chu a tha lo a ni, lo neih lailawk pawh a tha lo kan ti a ni.

Tin, ordinance an tih thin dan te pawh vawiinah hian public interest a ni tur a ni a. Tun ami hi chu Public Interest a tling lo a ni tihte kha a dik chiah a. Party interest mai a ni. Chuvangin, Ram pum, Hnam pum huapin ngaihtuah ila kan ti a, chu chu vawiinah hian min hnial a hei hi mi

impose intum a nih chuan Pu Deputy Speaker, keini chuan kan pass pui thei lo. Tin, nichina kan ngaihtlak tawh ang khan kan sorkar veleh hei hi kan siamtha ang a. V/C inthlan lo awm leh tur pawh hi a hun pangngai anih chuan keimahnin kan conduct dawn a, Dan thar Dan tha Zu leh sa sum leh pai hman theih tawh loh turin Dan a humhalhna kan siam dawn a ni tih House hi ka hrilh duh a.

Chutiang chu, kan duh lova vawiinniah hian a tenghneng zawnga an kalpui avangin keini chuan kan p-ass pui dawn lova min barh luia an kallui dawn anih pawhin chumi hunah chuan kan awm dawn lo, kan chhuahsan dawn tih hi he House hi ka hriattir duh a ni, ka lawm e.

**DEPUTY SPEAKER** : Pu K. Vanlalauva kha a phar hmasa ber a aw. Pu K. Vanlalauva.

**PU K. VANLALAUVA** : Pu Speaker, hun min pek avangin ka lawm e. The Lushai Hills District Village Council Amendment Bill 2006 dan tawi tak tha si, House a putluh a ni hi a puluttu Minister takawm ka ti khawp mai a. He Dan hi Dan kan sawi tawh hrim hrimah pawh hian uluk taka zir lova, chhut lova, ngaihtuah lo tan chuan politic khawvela min hruai luh ringawt tum tan chuan sawisel awm rengah pawh ka ngai a ni. Chutiang ni lova thil tha leh ram ngaihtuah a thil chhut mi tan chuan tha tih loh rial a ni lo. Vawin hian kan tawngka lamah helai Legislator tawngkamah inrau tih rite a ri zauh zauh a, a mawi lo viau a. Tunah pawh khan kan ngaihtlak ang khan he Dan hi min pass luh pui dawn anih chuan kan awm dawn lo kan chhuak dawn a ni an ti a. In vau tih chu tawngkamah kan hmang ve lo ang a, a bak erawh chu chhiar chu a harsa viauin ka hria. Kha baka tawngkam dengkhawng a awm chuang pawhin ka ringlo he House atan chuan. Kha khan ram ngaihtuahna thil a kawh lo reng reng a ni. Dik tak chuan he sorkar hi ruat seat huaisen taka mahni sorkar laia tibo ngam sorkar a ni a, a la huaisen zel dawn a ni. Khami rah kha tunah hian Mizoram mipuiten a la tel tir zel a. Tun tum V/C inthlanah pawh percent sang tak mipuiin V/C an siam tir a nih hi. Tichuan drawn village kan tir 94 awm kha tunah chuan a zatve lai acting V/C pawh siam theih a ni ta a ni. Chungte chuanin he sorkar hi mipuite rin hlawh sorkar a nihzia pawh a tilang hie a n. Vawikhat chu 2001 khan V/C pakhat chu khatihlaia Congress V/C an ni a, member 5 an ni a. Tichuan Development kaldanah tih bik nei lutuka an ngaih avangin hetiang reng reng chuan kan khawtlang kan enkawl zo chuang lovang. V/C te laia rin zawk awm hi kan duh lo a ni, tiin MNF ah member 3 an rawn inpe a. Tikchuan kan hnenah an lokal a, ngawi teh u in ngaihtuah chiang maw? ulk takin ngaihtuah rawh u mi 3 lai in ni si a. V/C pawh phuar theihna dinhmung in ding dawn a ni a kan ti a. "Kan ngaihtuah chiang e" an ti a. Tichuan an pathum chuan LAD Minister zahawm tak hnenah ka kalpui a kan thian pakhat nen hemi te hi an khua hi V/C member 5 an ni a. Panga chu Congress vek an ni a, mahse, 3 in an chhuahsan a hei an chhuahsan na leh an luhna party nen hian etgingnge sorkarin in tih ang le V/C hi a reshuffle theih lawm ni Executive body hi a samrem theih lawm ni tiin lehkha nen Minister hnenah ka kalpui a. Khatih laia



Minister min chhan dan kha thiam ka ti khawp a. Ngawiteh Pu Au anni ho hi hetia tih mai hi an ching a, i ngaichang leh hret teh ang, thlakhat vel chu, a ni maw ka ti a. Thlakhat vel kan ngaichang a, tichuan ka zuk kalpui leh a ngawiteh iu ngaichang leh teh ang min lo ti leh a ni. Ngawirawh ka pu patling an ni a, hetia lehlama awrdum lehlama awrsen ang chi hi an niin ka hre lo mange ka ti, ni chu ni, nilo chu nilo tingam la ka va ti em; Democracy sorkar i kalpui dawn anih chuanin MNF V/C hi puang mai rawh; Executive body hi inchang tur a ni. Congress minority a ni tawh tlat ka ti a. Ngawi rawh reilote tal i enchhin leh teh ang a ti a. Chutichuanin Minister anih avangin enchhin ang a ti leh thin a. Tichuanin kha sorkar kha Member pahnih lek V/C in member pathum nei zawk V/C tir duhlo khanin V/C term an hman zawh tir zak zuk nia.

Pu Dy. Speaker hei hi ka sawi leh duh kher a ni. Minority Government siam hi Democracy ah a rem lo kan tih lain tun tunah pawh drawn Village sawmkua pali awmnaah hianin kan House Leader zahawm tak chuanin drawn village anih te chuanin sorkar V/C kan siam mai tur alawm ruling party V/C siam hmiah mai tur a lawm a tih mi tam takin an rin lain a ti miah lo. Acting V/C siam tum hram hram sela an thei lo anih chuan kan la ngaihtuah leh dawn nia, apawng a pui a acting V/C siam ngawt hi kan tih tur pawh a ni chuang love. Mipuite thlan an ni a, mipui duhdan ang takin an kal tur a ni, anmahni leh anmahni insiam an tum tur a ni a ti tlat a ni. Chumi kalpui chuan waviinni kan thleng a ni.

Chuvangin tunah dan tha tak min pass pui duhlo hianin an bial pawh an ngaihtuah lova, kan ram pawh min ngaihtuah pui lo a ni tih hi a chiang a ni. Hetiang khawpa dan tha leh mumal mipuiin a sum sen tlemna zawk tur si, elected member tam teuh ai khanin tlem rem rawm fel fek fawka rorel a hlutzia hriain ruling party an han siam mai pawh kha sorkar huaisen leh thutlukna mumal nei ngam tih mipuiin an hriat vang mai a ni. Chuvangin chutiang khawpa dan tha kengkawh ngam House Leader leh concern Minister kan nei hi Zoram mipui hian kan hriat a pawimawh em em zawk a ni. Chuvangin waviinah hian kan ram mipuite ngaihtuah lek lova tute ti ti emaw mai mai dawng khawm a House a he dan tha min pass pui duhlotu chuan an bial an fan leh hunah pawh chhuahchhalh an hlawh nasa khawp ang, chu zawk chu a ni. Chuvangin tihemah chuanin heng House-ah te pawh hianin kum nga eptu lamah ka lo thu ve tawh a, chhuah tauh chu kan nei tlem khawp mai. Thawk a phit a kan chhuak tau dawn tih zel mai chu a naupang thu em mai a. Pu Deputy Speaker, khatiang tur kha ani lo. Kan tang tang tang ang a atawpah ban phar a ngai anih chuan le ban tam lam chuan an kalpui chang pawh a awm reng ang chu. Mahse, kan tifo ngai lo. A engamah hmaa kan chhuak mai dawn tih a tah bui bui nghal zel mai kha a ni lo deuh a ni. A tawp kan thleng ngam zel tur a ni. Chu chu MLA huaisen nihna a niin ka hretlat kei chu. Pu Deputy Speaker, he dan tha tak mai The Lushai Hills Village Council amendment Bill 2006 hi he House hian pass ngei ka duhin ka rawn support a ni e, ka lawm e.

DEPUTY SPEAKER

: Tunge han sawi veleh tur kha kan awm em? Pu Liansuama a ding hmasa tlat mai, Pu Liansuama i sawm hmasa mai ang aw.

PU LIANSUAMA

: Pu Dy. Speaker, a chhuak tau lama awm loh hi a ziaawm ve reng rengin ka hria a. Pu Dy. Speaker, kan dan siam that tur a hi a phuaina lai pawh a awm ang. A pumpui a endik pawh a tha ang. Nichina an han sawifo Subordinate Legislation Committee ina kan en kha chu a rule zawk a ni a. Chuvang chuan hei hian a rawn hma lo hrim hrim a. Thahnem ngaih thua an rawn sawi a, a pawinawh reng a. Khang kha la tihthat ngei ngei tur a ni ang a. Village Council inthlan leh hunah chuan a dan thar hmanga kan inthlan tawh ngei pawh a tha a ni. Vawiinnia amendment bill a lo luhna chhan hi ordinance awm tawh si chu ordinance avanga Village Council 553 kan thlan tawh kha pass ta lo ila kan V/C thlan tawh sa avanga kan ram kan mualpho turzia ngaihtuah hian pass a ngai a ni. Chuvang chuan that lohna lai a awm anih pawn nichina an sawi ang khan kum sawmli chuang lai kan hman tawh hi a bul atanga uluk taka thlir a la tihthat te pawh a ngai ang.

Tin, chumi zulzui chuan Governor thusawiah khan Urban Development Department Poverty Alleviation Department te a lo piang dawn niawm tak a ni. Chuvang chuan chu department te kan neih fel hunah te pheih chuan he dan hman remchanloh hun hi a tam dawn in a lang a. Chung hunah chuan dan tha tak hei aia tha zawk te pawh kan la nei ngei ngei ang tih ka ring. Chuvang chuan vawiinnia kan dan, ordinance thlaktu tur han pass mai hi thil tih awm tak a ni. Tupawh sorkar a, ordinance a lo piang anih chuan thla ruk a ral hma emaw, chumi hma session hmasa bera nenngheh chu a ni ngai a. Chuvangin keini, heti laia member lokal khawmte hian he dan amendment bill pass hi kan bat that a ni. Chuvang chuan kan lung a awi famkim lo anih pawhin in chhuah tauh sanna chi nin ka hre lo a ni. Hnathial bialta zahawm tak sawi ang khan hemi azarah hian Village Council tam tak kan ramah, kha result sheet atanga kan hmuh danin 553 ah kan inthlang tawh a, chungte chuan dan ang taka khawtlang ro an rel theihna tur atan he dan hian a zu nenngheh a ngai ta a, tih loh theih loh a ni.

Tin, han sawi belh lawk ka duh Village Council indraw-na khuate a lo awm a nih pawhin inthlan that tir leh ai chuan hun pek belh leh deuh hieka anmahni insiam rem tir hi a fah rinna ka nei a. Tin mi ram state ah te pawh a tukpui chu nilo mahsela Assembly-a sorkar kal hlei theilo a awm chang a awm a, hnaivai taka kan hmuh chu Bihar State Assembly inthlanah ruling Ministry an form hlei thei lova, tieluan an han nghak vang vang a, a tawp atawpah sorkar an siam theih ngang loh avangin inthlan thatna a awm leh ta a. Hei hi India ram Democratic History-a a vawikhatna a ni a. Chuvang chuan kan V/C tuna drawn village 94 hi nichina kan ngaihtlak tak ang khan a zatve zet chu an lo insiam fel tawh anih chuan kan sorkar lam hotute pawh hian a siam theilo te pawh kha han ngai chang leh rih hlek sela, tiang chuan a siamfel dan a la awm cheu ka ring a. Chuvang chuanin thiah hi chu kan kaldan tur ni lo se a that ka ring a ni.

Tin, he amendment-in a rawn sawi lem loh ka rilua awm ve thin fo chu Village Council te hlawh tihpun dawn hian dan siam that hunah chuan an hlawh anmahni in an intuak theih nan an kutah thuneihna pek belh hi a thain ka ring a. Hei tunah pawh Ran chhiah khawn dante kan neih mek hi V/C in an han enkawl a, sorkar ah a zatve a chhunglutin a zatve V/C in an hum ta a. Hetiang deuh hian Balu, Rora leh thing leh Mau tam tak hemi chhiah chungchangah te pawh hian thuneihna chin han pe ta ila Village Council hi amah leh amah intodellin a awm

chho thei dawn niin a hriat a. Chubakah chuan a hmang tangkaitu Department apiang hian an TA/DA te pe bawk thin sela, chu chuan V/C te kan hman tangkaina hi a puhruk lehzuah ang tih pawh ka ring. Chu chu tuna kan amendment hian rawn sawi tello mahsela rawtna ni pah fawmin a changtu Minister ten dan an rawn duan chhuah huna an hriat tur a tan kan zep lawk duh a ni. He Bill pass hi chu tih makmawh a ni a, i pass mai ang u, ka lawm e.

**PU R. KHAWPUITHANGA** : Pu Deputy Speaker, ka lawm e. Hei kan han inthlang zova, a dan avang ringawt hi chuan drawn village awm loh theihna hi chu kan siam theih ka ring lova.

Nichina ka hma a mite han sawi tak ang khan sorkar hmasa lamah te pawh drawn village za chuang te an lo awm a, a number kawp kimlo a an awm laite pawhin. Tunah hian number kawpkimin siam a ni ta a, kan han inthlang a, drawn village 94 an lo awm ta a. Engpawh nisela, he harsatna hi chu Village Council-ah hi chuan kumkhua in a awm dawn a ni, kan inthlan chhung hi chuan. A changing a tam ang a, chu chu kan awm dan tur reng a niin ka ring. Keini Aizawl S-II bialah pawh drawn village 3 kan nei a, drawn village lovah pawh sorkarna siam thua chuan harsatna kan nei tho a, keimahni MNF vek kan awm na khaw pakhat pawh tunah hian kan la siam thei tlat lo. A chhan chu VCP an duh dan kha a inang thei tlat lo. Pahnihin hei hi nisela, an ti a pahnih in midang nisela an ti a, an inpawt tlat a ni. Ni 15 ah hian kan siam fel thei angem, chu village-ah chuan ka hre lo.

Tin, khawlian takah chuan pathum leh pathumin an indraw a, tahchuan kan pui ang che u an ti mai a, tahchuan a ruling lam khan sorkarna an siam mai a. In-lei chhete mah a awm lo. Khawtlang thatna an ngaihtuah a tiang khan an siam thei mai a ni. Amaherawhchu, khaw pakhat chuan an thei tlat lo bawk. Chu chu ania keimahni bialah pawh.

Tin, ka bula thu Pu Thlenga, Mamit bialtu zahawm tak bial hian drawn village hmunkhat chauh a nei a, khaw 24 a khaw khatah chauh an va drawn a nih chu. Chuvangin Mizoram pumpuiah chuan bial pakhat 2-3 chu a awm kumkhua ang tih ka ring tlat a. Chuvang chuan he dan hi chu a that lohna tur awm awmin ka hre lo. Ordinance kan lo hmang tawh a, kan opposition unate khan nichina ka hma ami ten an sawi tawh ang khan a hunlai in an sawisel lem lo a, amaherawhchu, an dinhmun a lo tlahniam ve em mai a, khaw 40 ah an vai khanin an tling pha chauh niin a lang a. An rilru nat lai tak a ni a, rilru nat lai taka dan siamthat lo lut ta nen khan an react ta a ni a. Kan hriatthiam pawh a tulin ka ring. Keini pawh ni ila pass pawh kan chak lo mai thei, amaherawhchu, puitling zawkin ngaihtuah sela chu min pass pui sela chu an mawina chu a awm zawkin ka ring. Engpawhnise vawiinnia amendment lo lut a hi kan hman tawh kha a ni a, chu chu regularise na kha a ni ve mai a, thil harsa lo te a ni. Kan lo rin dan takah phei chuan chawhma khan kan zo vek mai ang chu tih kha ka lo ngaihtuah a. Chuvang chuan meeting pakhat pawh ka lo ruahman ve deuh a, mahse, a lo ni awzawng ta lo mai a, chu ahnekin Kan in-chhuahsan hial ani a. Engpawhnise hei hi chu pass makmawh a ni a. Ka hma ami ten an sawi ang khan kan dan hi ala famkim chiah lova, thuneihna kan pek dan te pawh hi.

Tin, chubakah a hming hrim hrim a te pawh hi Lushai Hills District a ni te hi a siamthat theih anih chuan Mizoram tihin thlak theih a ni em tih ka hre lova, nakin lamah inthlan leh dawnah te chuan en ngun zawk ta deuh ila, kim lo lai thenkhatte leh thil dang dangah pawh a la awm ve ang a. Dan hi chu kan siamtha zel dawn a ni a, chuvangin anni pawh khan an sawi tho a kan thiante khan khangte pawh kha kimchang zawkin inthlan leh dawn hnaih ah te pawh heng hi chu la thliir awm tak te pawh a ni a. Amaherawhchu, kan hman tan dawn lai takah kei ka bialah te chuan kan hmang mawlh mawlh tawh a, buaina leh harsatna an nei miah lo a, a hmang tawh ah chuan, chutiang chu kan ni a, bial thenkhatah te pawh an ni tho a. Kan han hmang anga chutah chuan harsatna aawm anih chuan nakinah inthlan leh dawn hnaihah chuan siamthat ngai lai apiang te chu Department in engkim an hria a, an rawn siamtha leh mai ang a. Rawtna a lo lut ang a, chutiang chuan Bill te pawh a lo lut leh thei tho a ni. Chuvangin vawiinniah hetiang amendment harsa lutuk tur awm a lang lo hi chu awlte a pass turah kei ka lo in ngai a ni. Chuvangin pass mai hi a thain ka ring a. Thiante awm lo mahsela, an awm loh tak miao ah chuan sawi tur awm hek lo. A awm awmin lungrual takin kan pass mai dawn a ni a, tih thuai mai hi a thain ka ring a. He amendment hi a tha hle in kei chuan ka hria a ni. Ka lawm e.

**DEPUTY SPEAKER**

Sawi tur dang kan awm tawh loh chuan Chair atang hian tlem han tihrik ka duh a. Sorkarin tul a tih angin engngemaw tul pawimawh bikah Constitution of India ina

Article 213 a phalna Governor a pek angin promalgate ordinance-in tun tumah inthlanna kan nei zo ta a. Kan lo puk lawk tawh miao mai a, engpawh nise hei hi kan regularise a ngai hrim hrim a tun tuma kan regularise lo anih chuan kan inthlan tawhna pawh kha engngemaw chenah fello chan a chan theihna a awm a. Engpawh nisela kan opposition lam member te pawh thahnemngaihna in thu tam tak an rawn ti ri a, a lawmawm lamah ngai ila. Engpawhnisela hei hun a kal zel a, kan dan anga tha zawk amendment ah te pawh hian tha zawk ruahmanna dang zeh tel te pawh kan la duh hun a la thleng ang. Engpawhnisela, vawiin erawh chuan he ordinance kan neih mek te hi, House zahawm takina kan regularise a ngai hrim hrim a ni tih kha kan tarlang tel duh a, tichuan sawihona pawh kan nei hlawm tha viau a, engpawhnisela, hei kan House Leader kan sawm ang a, a nin a duh ang zawng zawngin thu han sawi ve sela, i lo sawm ang.

**PU ZORAMTHANGA  
CHIEF MINISTER**

Pu Dy. Speaker, ka lawm e, kan Opposition Member te an chhuak ta a, a pawh ka ti khawp a, hei kan V/C inthlanna tuah tawh takin min rawn nawr si a, kan

Minister i/c in a damlohna avanga a duh anga thil a tih that hman loh thute a sawi a, amaherawhchu, chumi karah chuan, tuna kan V/C kan inthleng turah, kan number tal hi erawhchu, siam rem a ngai a ni mawle tih department ten an ngaihtuahna chu rawn kalpui in sorkar kengtute lamin engpawhnise, inthlan hmaa kan siam angai si a. India Constitution-in min phal sak angin ordinance siamin, helai chu Governor hmingin promalgate mai ang kan ti. Tikchuan, kan promalogate

hnuah chumi ang chuan kan inthlang ang a, chumi kan inthlanna kan dan kan ordinance, dan pangngai anga siam a formalise a lo ngai ta a. Chu chu vawina kan ngaihtuah hi a ni a. chang dang dang tehchiam pawh a awm lova, hemi V/C dan hrim hrimah hi chuan a pumpui thua nakina tha lehzuala la siam te pawh a tul ngei ang a, kan sawi ang khan a hming te pawh tiema la tihdanglam te pawh kan duh ang a. Khawi lai lai emaw te pawh tihdanglam a la tul zel ang dan chu.. Kum khaw daih a ni lova. India Constitution khati khawpa an khel ngun pawh vawi sawm tam siam danglam leh a ni a. Keimi V/C dan te pawh hi khua te kan pun a, kan nun dan te a inthlak a, number te a danglam ang zelin siamthat pawh ngai chho tur a ni reng reng a.

Tin, hemi a kan ngaihtuah ber mai chu thil dang pawh a awm lova, a number a hi awmze nei deuhin i kalpui ang u. V.C member zat hi khati zawng kha a ni a. Tha han tih lohna tar kha, ngaihdan hrang hrang pawh a awm thei a. Kan neih hmasak khaw te tak te ve ah te V/C neih a ngai si a. Chuvangin khaw te pawhin Mizoram chu kan ram awmdanah khaw hla tak tak, thenawm hnai khua awm chuang lo, Km 10/20 piah lama khua In 30, 40, 50, 60 khatiang vel awm si khua V/C hran pek a tul avangin khaw hla tak Km 10, 20 piahlam atanga awp a remloh avangin khawte pawh khan te lutuk an nih loh chuan V/C hran neih a tul a ni tih hriain tunhma atang tawhin vawin thlengin V/C 3 nei thei turin, heng hi chu khaw te mah nise awm rawh se. Kan sorkar tuna awm lai leh a hma amite pawhin an lo tih tawh ang khan khang kha chu kan la maintain reng a ni. Chuvangin, V.C member kha 3 a te berah a pangngai chiahin tun ami pawh hian a la kalpui a. Amaherawhchu, a hma khan member inkawpkim lo hian kal sela. Sorkar siam tura inbukna hi tlemin a ti awlsam deuh ang e tiin number inkawpkim lo in kan kalpui chhin a. 3, 5, 7, 9, 11 kan ti a. A ngai reng mai. A chhan chu kan hriat theuh angin party pahnih chauh system-in kal ni ila chuan a in kawpkim lo khan awmzia a nei a. Two party system in kal ila, independent candidate hi phallo ni ila chuan inkawp kimlo khan sorkarna kha siam lo thei lovin a dah ang a, a fel ani. Mahse, Party 2 aia tam, 3 emaw panga emaw, independent pawh a duh apiang kal theihna, in-candidate theihna anih chuan number kha pali a ni nge paruk a ni nge pariat nge sawm nge awmzia a nei tawh lo reng reng a. Tunah pawh a hmaa number odd number 3, 5, 7, 9, 11 a kan tih pawh khan drawn village kha tun aiin a tam tho mai a ni, za chuang a ni tho. Chuvangin awmzia a nei chuang lo. A chhan chu party pathum, pali kan nei a, athenin pahnih candidate kan lo thlang tlinga a thenin pahnih, a thenin pakhat, a thenin pakhat a thenin pakhat dang, kha kha chuan alaia a chanve aphel phawk phawk theih a ni chuang lo reng reng a, chuvangin drawn village kha tun aiin a tam mah mah flat mai a ni. Chuti anih si chuan hei hian odd number, number kawpkim lova dah hian drawn village a tih tamna leh a tih tlemna hi awmzia a nei chuang lo a ni tih chu a prove phawt mai a ni.

A dawt lehah V/C number tam lutuk a kha V/C pakhat awp tura sawmpakhat dah kha a nihna takah chuan ram zau tam leh mipui tam tak awp an ni chuang lova, V/C pakhat hnuai ami tho a ni. Chumi ti tur chuan paruk chin vel hi chu a tawh hrim hrim a ni kan ti a, a rorel a kan kal tak tak a han che tak tak a hi chu panga, paruk bak hi an ni tak tak chuang love. Sawmpakhat khat neih hi a tul chuang love, chuti lo chu hei hi a buaithlak mai mai a ni e, chung ai chuan V/C kha a lo lian ta lutuk anih chuan i then darh zawk ang. V/C pahnih, pathumah i then darh zawk ang. Tichuan V/C sitting a sawmpakhat

lai thut ai chuan, paruk chin hi limitah, i siam ang, tichuan tlemin a rorelna pawhin awmzia a nei zawk ang e, tih avanga V/C number sawmpakhat han ni tawh lovin, paruk chinah i dah ang, tih a kha tih mai a ni. Mi kan pung zel a chuvangin V/C number pawh hi a pung tur a ni, kan tih a kha a dik tho. Mi kan pun angin a V/C khata member zat tipung lovin a V/C huam chin, V/C member a kha kan ti tam ta ve thung a ni. Chuvangin a hma ai khan V/C sawmhnih, sawmthum chuangin kan V/C pawh a pung ta reng a ni.

Chuvangin, khami lai a kha a hrial khan a kha mipui kan pung zel a, chuvangin representative te hi pun tur alawm tih chu a dikna chin a chu District Council area, District Council pakhat chauh a awm a mipui an tam chuan a pung a kha a dik a ni. State pakhat chauh a awm a, mipui kan pun si chuan a number tihpun a pawh kha a awm a ni. Mahse, V/C ah chuan V/C kha kan duh zah zah leh a tul ang zelin kan ti pung thei tlat, pakhat chauh a ni tawh lo, Mizoram V/C pakhatin an awp lo, 530 chuang a ni tawh a ni, a pung tam em em, mihring kan pun a, khua te a lo pun chuan V/C kha tihpun leh mai tur a ni. V/C khat a kha lianpui a dah a, a member pawh tam taka dah ringawt a kha a tha lo zawka kan hriat avangin, duh leh V/C hriat avangin, duh leh V/C khat pawh kha V/C pahmih V/C pathum ah pawh i then mai ang, a mihring erawh chu 11 lai dah hi a buaithlak a ni e, 6 chin vel hi a rorel, tute tawngkam tak ang emaw a tawrel ah hei hi chu a awm chin awm a a number a V/C te hi kan duh leh kan then tam mai dawn nia kan ti a, tunah hian a then pawh kan then tam ta reng a. V/C number pawh a pung ta teuh reng a ni. Chuvangin kha kha tha lo hranpa emaw hi a awm chuang lo reng reng a, khalai taka kha hriat tur a ni a.

Tin, ordinance anih avangin muang changin tih kha tunah hian pass lo thei kan ni lo reng reng a, pass lo ta ila kan hriat angin tuna a rawn introduce anih atanga chawlhkar 6 chhungin pass ngei ngei angai, pass loh chuan engmah lovin a tawp ang a, engmah lova a tawp chuan tuna kan V/C thlan zawng zawng hi engmah lovin a awm ringawt dawn a, khami hun ngen a kha chu a sentence a rorel deuh a ni. Chuvangin tuna kan V/C thlan zawng zawng a kha engmah lovin tawp rawh se, chuti anih loh chuan kan chhuak tau dawn tih ringawt mai chu ram rorelna kengtute tih awm a ni lem lo. Rawtna dang a awm anih chuan i ti zel ang u, tum lo pawh hi siamthat tur chu a awm ang. Tun lo pawh hi sem that tur ala awm ang. Mahse, kha ordinance hmang khan kan inthlang a. Tin, a tha thawkhath reng reng a ni. Ngawi teh u, 3, 4, 5, 6 in i kal mai ang tih chauh a ni a. A hma pawhin kha chen khatiang type khan kan kal thova. Mahse, term hmasa deuhah khan number kawpkimlo in tichhin teh ang u, drawn village a tlem mahna tiin. Mahse, a tam tho mai a. Chuvangin V/C number hi ti tam deuh ila a tha ang e tihna mai a ni a. Thil danglam tehchiam pawh a ni lo. Khami ang khan an inthlang zova, i cancel leh mai ang u tih te chu rorelna kengtu tan chuan a tih chi loh reng reng a ni. Chuvangin tuna kan ordinance hi chu pass ngei ngei a tul a, kan V/C thlan a te a nih ang a, kan function tir a tha a

Tin, corruption leh thildang kha chu mimal thil a ni tawh a. Party in corrupt nan pawisa tumah kan inpe lo, inpek tur a neih pawh kan nei lo. A chhan chu Rs. 10,000/- pawh pe ila, member 6 an thlanna ah pe ila, a lo enkawltuten an buaipuina an chaweina leh thildang a hnuah insem zawk se Rs. 1000/- theuh pawhin an chang awm si lova, corrupt pui tham pawh a ni tawh lova. Mimal in V/C in candidate te chuan Rs. 200/300 singkhat te pawh

nei ve turah ngai ila, Rs. 1000/- emaw an pe anih pawhin corrupt pui tham a ni tawh hek lo. Chuvangin, hei hi inpuhchhatna mai mai a ni a. Mahse, mihring chu inthlan a lo ni a, thahnem kan ngaih chuan chi tinrengin kan insawm a, min vote rawh u aw tiin kan insawm thin a. Mahse, hemi avang hian V/C candidate zawng zawng hi an thianghlim thiau e kan ti lova. Tihdan hi chu a fel chiah lo a ni tih lai chu tute Party atang pawhin a awm mahna. Chu chu kan Unit level a Y.M.A. inthlan a ni emaw eng association inthlanna emaw, theihtawpa kan tan karah pawh hian a tihdan a dik lo, a ni intih nang nang hi chu a awm fo a. Kan V/C inthlanah hian atlangpuithuin a tha a, a lawmawm a, a thianghlim pawh a thianghlim a. Khawkhatah erawh chuan inthlan theihlohna kan nei a, a pawh kan ti em em a.

Chuvangin tunah pawh thil danglam tehchiam a ni lo. Tun atanga sawmpakhat kha 3 atanga 6 in kal chho mai se a tha ang e, tih kan inthlan zawhna nemnghehna mai kha ordinance chu a ni e. Chuvangin hei hi chu kan pass ngei hi kan tih tur a ni a. Kan V/C thlan sa zawng zawng buai em em a ram pumpuiin kan lo tih tawh kha engmah lo a chantir tura tuna a number a tha lo em a tih kha, kal pui leh ngat chi pawh niin a lang lova. Lungual taka kan pass kha kan tih tur niin ka hria e. Ka lawm e.

**DEPUTY SPEAKER** : Tikhan kan Minister zahawm tak Pu H. Vanlalauva, a bill neitu sawm ila, rawn wind up in pass dil nghal mai se a tha ang e. I lo sawm ang.

**PU H. VANLALAUVA  
MINISTER** : Pu Deputy Speaker, ka lawm e. Kan House Leader-in a wind up chiang viau a sawi tam vak ngaiin ka hre lova. Mahse, han sawi belh ve ka duh chu - Hnathial bialtu zahawm takin a sawi kha a point hlein ka hria a. A hmaa duhlohna sawi hauh si lova lungual taka inthlang tlang, result a lo chhuah tawh hian han phur ta lo hle ni te pawhin a lang a ni. A lehlahmah phei chuan kan Opposition Leader te, kan Group Leader pahnihte, Leader 3 in anmahni Constituency theuhah an Nil avang kha em ni ang tih te pawh ka ngaihtuahnaah a lo thleng hial a. Tin, Pu Deputy Speaker, i veilam ami (Opposition) te an chhuak vek mai hi chu pawh ka ti khawp mai. Kan Legislator senior tak te, engkim hre tura kan ngaih ten a Act (danpui) leh a Rules a pawh kan thliar hrang lo hi chu mak ka ti. Subordinate Legislation Committee in a a rawtna ka siam, inthlan dan tha zawk (system thar) tih kha chu - Rules a ni a, a danpui a khawih lo hrim hrim a ni. Chu chu Committee in a duh angin harsa chungin theihtawp chhuahin Department pawhin hma a la zel a. Tunah chuan Subordinate Legislation Committee in a duh, Department te a hriattir angin inthlan dan thar a rules hi peih a ni tawh a. A buatsaih a har dan chu Mizoramah MLA ah chuan Constituency 40 a ni a, tin, Political Party symbol candidate zawng zawngin pakhat an inhman tawm thei vek a, V/C ah erawh chuan Constituency 556 a ni a, election symbol hi mimalin a hrang veka neih tur a ni bawh si a. Chuvangin, chumi inthlan dan ruahmanna leh han process hi a namai lo hle a, chutichung chuan kan mithiamte ruaiin a rules pawh peih ani a, Law pawhin a vet tawh a,

tunah hian Cabinet ah chhawpchuah a ni dawn ta a ni. Pu Speaker, inthlan leh 2009 ah chuan dan thar kan hmang ngei tawh ang tih ka ringin ka beisei flat a ni tih ka sawi duh a.

Tin, kan hriat theuh angin India ram dan pui siamthatna vawi 73 naah khan Panchayat leh local bodies te thuneihna sang zawk pek tumna a lian em em a. Mahse, Panchayati Raj hi chu Hmarchhak State 3 Nagaland, Mizoram leh Meghalaya ah te erawh chuan hman tura tih a ni lo a ni, hman an duh chuan legislate a ngai a, House-ah kan pass a kan hmang ve duh a ni kan tih erawh chuan kan dil thei a ni. Mahse, heng zawng zawng hi ngun taka enim India dan puiin a duh anga, Local bodies te thuneihna sang zawk pek theihna dan kawng hi nasa takin department pawhin a zawng a, Panchayati Raj kan zir Chiang a, thenawm State ah te pawh kan han intirh a anih ang anga hmang tur chuan kan hnam dan tha leh kan hnam rohlu tam tak hi kan hloh dawn a ni tih Chiang takin kan hmu a. Chuvang chuan, Mizoram V/C dan a tha tia kan hnam rohlu te zawng zawng la chhuakin Panchayati Raj a kan ram leh kan hnamin kan tradition leh kan society nen a inmil tur a tha zawng zawngte la chhuak bawkin V/C dan thar hi siam ila, helaia kan hmuh ang a, kan bill ah pawh a thing lutuk tawh e, kan tih Lushai Hill District han tih heng zawng zawng pawh hi paih vekin "Mizoram Village Council Act" kan buatsaih a, chu chu tunah hian kan mithiamte ruain a draft bill chu peih a ni tawh a, tunah hian law in an vet mek a ni a, reiloteah Cabinet ah ngaihtuah tura chhawpchuah theih pawh kan inbeisei a ni. Chumi hnuaiah chuan kan inthlan dan a rules thar buatsaihte nen V/C inthlan leh kum 2009 ah hi chuan felfai tak leh thianghim taka Mizoram Village Council inthlan dan tharah inthlanna kan neih theih ka beisei a ni tih vawiinniah hian House ka hrilh duh a. Kan House Leader pawhin a sawi tawh ang leh member te pawhin a an sawi tawh ang khanin tun ami hi chu kan V/C kalphungah khaw lian deuh deuhthe han tih tet a, member te pawh han tihlem deuhna a awm avangin tun kan inthlanah hian Dan dinglai hi kan hman loh chuan buaina leh harsatna Election Rules kan han siam 'inthlan dan system thar' kan duante nen pawh a inmil dawn loh avangin hmanhmawh takin ordinance in helaiah inthlanna kan lo nei tawh a ni a. Chuvang chuan, dan kan lo hman tawh amend theihna turin sum tam tak nuai 160 chuang lai senga kan lo inthlanna te leh hun leh tha tam tak kan lo sen tawhna hi i nemnghet ang u, kan ti mai a ni a. Chuvang chuan Pu Deputy Speaker,, ka bill "The Lushai Hills District (Village Councils) (Amendment) Bill, 2006" hi vawinah House-in lungrual taka min pass pui turin ka ngen a ni e. Ka lawm e.

DEPUTY SPEAKER

:

Awle, tikhan kan Minister zahawm takin a bill chungchang sawihona te rawn khaikhawmin sawifiah tul ang angte a rawn sawifiah ta a. Tikhan hei kan pass mai

turah ngai ila, lehlam an awm lo bawk a. Tuntumah hian kan tihdan pangngai lo ang deuhin a bill hi a sei lem lo bawk a. A hlawmin vawikhatah pass tum mai ila, a thain ka ring a. Tichuan, "The Lushai Hills District (Village Councils) (Amendment) Bill 2006" hi pass remti apiangin 'remti' ti rawh u le. (Member ten remti an ti a) remti lo kan awm em? Awle, remti lo kan awm lova. Awle, hei House in "The Lushai Hills District (Village Councils) (Amendment) Bill, 2006" chu lungrual takin kan pass ta a ni.



-174-

Awle, tikhan vawim atan kan business  
kan zo ta a. Kan chawl rih ang a, ni 14.3.2006 naktuk dar 10:30 ah kan thukhawm  
leh dawn nia.

Sitting is adjourned at 3:45 P.M.

...175/-